

痢

嘔吐

噎膈

飢逆

吞酸

嘈雜噯氣

痞滿

腫脹

積聚

虛損

勞極

醫道學正傳

卷之三

二十七

三十六

四十四

五十二

廿一


二十三

八

十五

十九

二十四





新刊京板校正大字醫學正傳卷之三目錄

杉本

○痢門十七

論

脉法

丹溪方法

凡二十五條

清六九

温六九

固湯九

芍藥湯

黄芩芍藥湯

黄連湯

芍藥黄連湯

大黃湯

香連丸

益元散

神効三香散

丹溪活套

祖傳和中飲

經驗三根飲

經驗二防飲

禁口痢法

已試醫驗一條

嘔吐門十八

論

脉法

丹溪方法

九十一條

藿香安胃散

和中桔梗湯

木香散

荆黃湯

檳榔散

清鎮丸

白朮湯

金花丸

紫沉丸

小半夏湯

姜汁半夏湯

藿香平胃散

胃苓湯

黄連六一湯

丁香安胃湯

丁附治中湯

加味三陳湯

丁香女胃湯

茯苓半夏湯

丹溪活套

已試醫驗一條

○噎膈門十九

論

脉法

丹溪方法

凡十六條

瓜米女寶丸 寬中湯 人參利膈丸 丹溪活套

祖傳經秘方 經驗大力奪命丸 已試醫驗一條

○飢逆門二十論 脈法 丹溪方法凡六條

陳皮竹茹湯 橘皮半夏生姜湯 丹溪活套

已試醫驗一條

○吞酸二十一論 脈法 丹溪方法凡七條

萊菔丸 參萸丸 藿香胃散 加減二陳湯

三因麩朮丸 祖傳經驗治吞酸方

○嘈雜暖氣二十二論 脈法 丹溪方法凡八條

三聖丸

○痞滿門二十三 脈法 丹溪方法九二條

厚朴溫中湯 木香瀆氣湯 七氣湯

大消痞丸 失笑丸 消痞湯

黃芩利膈丸

丹溪活套

已試醫驗一條

○腫脹門二十四

論 脉法

丹溪方法 凡八條

禹餘糧丸

繫矩三和湯

紫蘇子湯

木香順氣湯

中滿分消丸

廣木潰堅湯

半夏厚朴湯

破滯氣湯

草苳蔻湯

葶藶木香散

白朮木香散

葶藶膏

二氣散

牽牛丸

三花神祐丸

雞屎醴飲

丹溪活套

祖傳雞屎醴

又經驗方

經驗桃奴丸

自已試醫驗二條

○積聚門二十五

論

脉法

丹溪方法 凡六條

三聖膏

琥珀膏

阿魏丸

大中丸

小溫中丸

婦人腹中有塊說

一方治婦人血塊

又治婦人血塊如盤

塊在皮裏膜外方

倒倉法已上皆丹溪法

廣木潰堅湯

半夏厚朴湯

三因散聚湯

大七氣湯

千金硝石丸

局方妙香丸

導氣枳壳丸

木香三稜丸

草薺薹丸

肥氣丸

伏梁丸

痞氣丸

息奔丸

奔豚丸

○虛損門二十六

論 脈法

丹溪方法一條

老人調養方

四君子湯

四物湯

八物湯

六君子湯

十全大補湯

大補陰丸

補陰丸

加味虎潛丸

滋陰大補丸

補腎丸

補天丸

六味地黃丸

人參固本丸

人參膏

補中益氣湯

益胃升陽湯

濟生芪附湯

參附湯

濟生茯神湯

補氣湯

千金延壽丹

斑龍丸

加減桂枝湯

祖傳經驗方

金匱元傳

鄒長教傳

已試醫驗一條

○勞極門二十七

論

脈法

丹溪方凡四條

二十四味蓮心散

青蒿飲

白蠟塵

鬼哭飲

散子方

天靈蓋散

射香散

取屍虫秘方

神授散

治癆極禁方

取癆虫方

紫河車丹

柴胡散

驚甲散

貫衆丸

輕腎散

蛤蚧散

蛤蚧飲子


五蒸湯

加戒全套

丹溪活套

灸霍氏四花針法

四花六穴入形圖



新刊京板校正大字醫李正傳卷之三

花溪恒德老人虞 搏天民編集

姪孫虞守愚惟明校正

金陵三山街書肆松亭吳江繡梓

論十七

論

內經曰溲而便膿血知氣行而血止也愚按經文溲字下必

溲澁而便血膿者言病因也蓋血因氣滯而大小二便俱

不利耳氣行而血止者言治法也故河間闡明其說所謂

河間曰行血則便膿自愈和氣則後重自除又曰後重則宜

下腹痛則宜和身重則除濕脉弦則去風膿血稠粘以重

藥竭之身冷自汗以熱藥溫之風邪外束宜汗之鷲瀉為

痢宜溫之又白在表者發之在裏者下之在上者瀉之在

下者竭之身表熱者內疎之小便澀者分利之又曰盛者
和之去者送之過者止之兵法云避其來銳擊其惰歸此
之謂也夫古方以瀉痢滾同論治朱紫混淆殊不知瀉屬
脾而痢屬腎也丹溪曰先水瀉而後膿血者此脾傳腎賊
邪難愈先膿血而後水瀉者此腎傳脾微邪易愈是皆先
哲之格言以為後學之繩墨鑿者其可不詳究乎

脉法

脉經云腸澀下膿血脉沉小流連者生洪大數身熱者死又

曰腸澀筋牽脉小細安靜者生浮大而緊者死

方法 丹溪方法凡二十四條

丹溪曰痢赤屬血自小腸來白屬氣自大腸來

○原病式曰痢為濕熱甚於腸胃怫鬱而成其病皆熱証也俗
以痢白為寒誤也如熱生瘡癩而出白膿可以白為寒乎

陰陽水火一高則一盛則一衰若以白為寒赤為熱則兼赤白者乃寒熱俱甚於腸胃之間而為病乎况下迫窘痛小使赤澁而痢白者必多有之為熱明矣世有用辛熱藥而愈者蓋辛其發散熱主出行故病微者則鬱結開通氣和而愈若病甚者鬱結不開其病轉加而死故治痢者必用寒以勝熱苦以燥濕微加辛熱佐之以為發散開通之用如此固無不效者

○仲景治痢可下者率用承氣等湯加減下之大黃之寒其性善走佐以厚朴之溫善行滯氣緩以甘草之甘飲以湯液灌滌腸胃滋潤輕快積行即止局方用砒丹巴礞類聚成丸其氣克暴其体重滯積氣已行而毒氣未消猶暴賊手持兵刃使之徘徊瞻顧於堂奧之間縱有愈病之功而腸胃清純之氣寧無損傷之患乎可溫者乃用姜附溫之局

方倒用熱藥為主，瀉藥為佐，用之於下利清白者，循可其裏急後重，經所謂下迫者，皆屬火熱，所為加以瀉熱之劑，非殺而何。

○初得一二日間，元氣未虛，必推蕩之。此通因通用之法，用大承氣湯，或調胃承氣湯，下後看氣血調理，氣用參朮，血用四物。五日後不可下。此亦大藥言之，氣血虛者，雖一二日而安者。

腹痛以白芍藥、甘草為君，當歸、白朮為佐。惡寒者加桂，惡熱者加黃柏。

腹痛因肺金之氣鬱在大腸之間，以苦梗發之，後用痢藥一云實則可下，虛則以苦梗發之。

○初下痢腹痛者，用溫藥，姜、桂之屬，切不可驟用參朮，縱氣虛胃虛皆不可用。

○後重者積與氣墜下之故其升兼消尤當和氣木香檳榔丸

保和丸之類

○身熱挾外感者不惡寒用小柴胡去人參發熱惡寒身首俱痛此為表証宜微汗和鮮又蒼朮川芎陳皮芍藥甘草生姜煎服愚每以一二方併而治痢之挾外感者亦多獲奇效也

○發熱不止者屬陰虛用寒涼藥必兼溫藥升藥

○木孔痛耳門痛也因熱流於下也木香檳榔芩連加炒乾姜

○仲景法治孔痛一曰溫之一曰清之若久病身冷自汗脉沉

小宜溫之暴病身熱脉洪大宜清之

○下血者宜涼血活血當歸黃芩桃仁之類或用朴硝有風邪

下陷宜升提之益風傷肝肝主血故也有溫傷血宜行溫

清熱

○濕熱下痢小便澀少煩渴能食脉洪大而緩腹痛後重桂苓

其露飲送下保和丸二三十粒

○濕多熱少脾胃不和食少腹痛後重夜多利下胃苓湯送下

保和丸二三十粒

○氣虛面色痿黃或枯白色人疲倦痢頻併痛後重不食脉細

弱或微汗時出黃芪建中湯送下保和丸二三十粒

○濕熱為痢不渴者建中湯加蒼朮茯苓下保和丸

○脾胃不和食少腹脹痛後重脉弦緊平胃散加芍藥官桂葛

根白朮茯苓下保和丸

○下痢血氣大虛腹痛類併後重不食或產後得此証用四君

子湯加當歸陳皮下保和丸二三十粒

○下痢白積者用芍藥湯加白朮陳皮甘草滑石桃仁

○下痢赤積身熱一元散加木通炒芍藥炒陳皮白朮煎湯送

下保和丸加黃芩丸

○久下痢已數日不能起床不食疲弱之甚者用人參半錢

白朮一錢 黃芪半錢 當歸七分 芍藥一錢 炙甘草二分

御米殼醋炒三分 地榆五分 木香三分 宿砂五分

陳皮一錢 升麻三分 白豆蔻仁三分 澤瀉五分

右細切作一服水一盞半煎至一盞去粗溫服

○如下墜異常積中有紫黑血而又痛甚者此為死血証用桃

仁細研及滑石行之

○血痢久不愈者屬陰虛四物為主

○下痢如豆汁者濕也蓋脾胃為水穀之海無物不受常兼四

藏故有如五色之相染當先通利此迎而奪之之義如虛

宜審之

○古方用厚朴專為行凝滯之氣滯氣稍行則去之枳殼雖少

緩亦不宜久服只以陳皮和藥可也

○古方多用粟殼治嗽與痢但要先出病根乃收功後藥也

○如力倦氣少惡食此為挾虛証宜用白朮當歸身尾甚者加

人參陳皮補之虛回而痢自止

○如久痢體虛氣弱滑泄不止亦當以滋藥以之訶子肉豈菴

白礬半夏牡蠣之類擇而用之然須以陳皮為佐恐太滋

亦能作疼又甚者須灸天樞氣海前霍亂法見

○如痢已減十之七八穢積已盡糟粕未實用炒芍藥炒白朮

炙甘草陳皮茯苓煎湯下固腸丸二三十粒此丸性燥澀

有去濕實腸之功若滯氣未除者不可透用

○如痢後糟粕未實或食粥稍多或飢甚方食腹中作疼以白

朮陳皮二味煎湯和之自安

○如氣行血和積少但虛坐努積此為無血証倍用歸身尾芍

藥生地黃而以桃仁泥佐之陳皮和之血生自安

○如痢後脚弱漸細小用蒼朮二兩白芍藥龜板各二兩半黃栢五兩粥糊丸以四物湯加陳皮甘草煎湯送下

○噤口痢胃口熱甚故也用黃連人參煎湯終日呷之如吐則再強飲但得一呷下咽便好又用田螺搗盪臍中以引下

其熱胃中熱結當開以降之人不知此多用溫藥其味以灰濟火以滯益滯也亦有誤服熱毒之藥犯胃者當推明而祛其毒用糞蛆焙乾為末清米飲調下一錢匕甚效

○多有時疫作痢傳染相似宜推明運氣之勝復以治之

○小兒痢疾用黃連黃芩大黃甘草煎服赤痢加桃仁紅花白痢加滑石末同煎

○一小兒八歲下痢絕血作食積治蒼朮白朮黃芩白芍藥滑石茯苓甘草陳皮神麩煎湯下保和丸

○凡下痢絀血者如麝腐色者如屋漏水者大孔開如竹筒者

唇如珠紅者俱死○如魚腦髓者身熱脈大者俱半死半
生經所謂身涼脈細者生身熱脈大者死是亦太緊言之
耳不可一途而論也

○一方治熱痢血痢用大黃黃連黃芩黃栢枳殼白芍藥川歸
滑石甘草桃仁白朮等分神麩糊丸如梧桐子大每服五
六十九丸白湯下

○清六九治血痢神効

○溫六九治痢及水瀉皆効 已上二方並見泄瀉門

肥溪方上皆○固腸丸治濕熱下痢太便下血去腸胃陳積之後用

此以燥下濕而實大腸

樗根白皮 不拘多少細切畧炒

右一味研為細末米糊為丸如梧桐子大每服三五十丸
陳米飲送下或用炒芍藥炒白朮炙甘草陳皮茯苓煎湯

按仲景黃芩湯
無大棗

下

○芍藥湯行血則便膿自愈和氣則後重自除此藥是也

白芍藥二升 當歸尾 黃連 黃芩一升

大黃七分 甘草 枳實 木香

桂心各五分

右細切作一服水一盞半煎一盞空心服○如初病後重

窘迫甚者倍大黃加芒硝一錢○如痞滿氣不宣通加枳

實一錢○如藏毒下血加黃柏一錢

○黃芩芍藥湯治瀉痢腹痛或後重身熱久而不愈脉洪數

者及膿血稠粘者

黃芩 芍藥各二升 甘草一升

右細切作一服水一盞半煎至一盞溫服腹痛甚加桂二

分稍熱服之

間河 ○黃連湯治大便後下血腹中不痛謂之濕毒下血

黃連 當歸各二錢

右細切作一服水一盞半煎至一盞去粗溫服

間河 ○芍藥黃連湯治大便後下血腹中痛者謂之熱毒下血

芍藥 川歸 黃連各一錢 大黃三分

桂心一分半 甘草三分

右細切作一服水一大盞煎七分溫服

間河 ○大黃湯治痢久不愈膿血稠粘裏急後重日夜無度脉沉

實人不堪困倦者或初得腹痛甚者窘迫不安者

大黃一兩

右細切作一服用好酒一大盞浸半日煎至一盞半去粗

分作二服頓飲之如痢未止再進後服後以芍藥湯和之

又再服黃芩芍藥湯以徹其邪此乃湯滌邪熱之劑用酒

煎者蓋欲其上至頰顛外徹皮毛也

方局

○香連丸治下痢膿血赤白相雜裏急後重

黃連各以酒拌濕同炒去茱萸 味木香四兩八錢

右為細末醋調麩糊為丸如梧桐子大每服三五十九清

米飲送下○一左加石連肉半斤治禁口痢尤佳

河間○益元散謂此為治痢之聖藥也其功不能盡述

桂府膩白滑石六兩 粉甘草一兩炙

右二味共為極細末每服三錢白水調無時

○神効三香散治痢疾日久穢積已少腹中不痛或微痛不後

重窘迫但滑瀉不止乃收功之後藥也

粟殼去穢蒂醋炙 陳皮一兩三錢 肉苳蔻麩炒

茯苓去皮 白扁豆炒各四錢 木香 人參各一錢

右為細末每服一錢七清米飲調下食遠

○丹溪活套云痢疾乃外感熱內傷之候也須分表裡治之在表者必惡寒發熱身首俱痛宜以小柴胡湯去人參棗子加蒼朮川芎陳皮生芍藥微沫以散之在裡者必後重窘迫腹痛下積早宜以大小承氣河間酒煎大黃湯之類下之餘邪未盡更以芍藥湯香連丸之類以徹其邪穢積已盡而更衣未息者此太腸不行收斂故也宜以固腸丸三香散之類以止泄之噤口者須詳証按法調治切不可輕用粟殼肉苳蔻訶子之類以試之殺人於反掌之間也但凡痢証不問輕重若邪氣正盛而以粟殼之類止遏之雖不死亦成休息痢二三年不能愈也又不可輕用巴苳牽牛等熱毒之藥攻之蓋病因熱毒又得熱毒之劑以火濟火不死何待

○祖傳經驗秘方和中飲治痢疾不分赤白久近服之無有不

效者但發熱噤口不食者不可服

陳皮

白朮

茯苓

芍藥各一錢

草蓂仁七分甘草三分

陳倉米二錢砂糖三錢

粟殼醋炙半錢一烏梅一箇

右細切作三一服加生姜三片大棗一枚水二盞煎至一盞去粗溫服不

○經驗三根飲治休息痢年久不愈者其効如神

五倍木根

蒼耳草根

臭樗木根刮取白皮

各等分細切作三每服七錢重加生姜三片大棗一枚大黑豆

三十六粒糯米四十九粒水二盞煎至一盞去粗溫服

○經驗二防飲治痢後不謹感冒寒濕或涉水履霜以致兩足

痛痺如刀割虎咬之狀膝膜腫大不能行動名鶴膝風此

藥神効了可

人參

白朮

黃芪 各一錢 甘草 炙半錢

川歸

川芎

芍藥

熟地黄 各一錢

防風

防己

羌活

牛膝 各七分

杜仲姜汁炒

葶藶 各一錢

附子臙子尿浸三日去皮冬月一錢

右細切作一服加生姜三片大棗二枚水二盞煎至一盞

去粗空心溫服

○仁齋云下痢噤口不食者雖曰脾虛蓋亦熱氣閉膈心胃間

所致也俗用木香則失之溫用山藥則失之閉惟真料參

苓白朮散加石菖蒲末以道地粳米飲多年陳倉米尤佳溫調下

或人參茯苓石連子肉入此少菖蒲為末與之宵次一開

自然思食其參苓白朮散本方該有○宿砂或小入木香見內傷門

○一子年將五十夏秋間得痢疾月餘服藥而小愈穢積已

但盡糟粕不食晝夜五六次入廁兼脫肛不安又半月諸

藥不効子記祖傳一方用池塘中驚一箇如法修事多用
生姜米糲作羹入沙糖一小塊不用鹽醬熟煮吃一二碗
三日不登廁大腸自此實矣肛門亦收而不脫夫此証蓋
因脾土受虛致肺與大腸俱失化源之所滋養是故大腸
不行收令也此母能令子虛耳驚乃介虫屬金而有土性
溫能補脾肺又況肺惡寒先得苓連等寒涼之味已多今
用生姜之辛以補肺金用沙糖之甘以補脾土肺氣既實
其大腸亦隨而實故得以行收令也故其功效如是之驗
焉

○嘔吐 十八

論

內經曰諸嘔吐酸暴注下迫皆屬於火東垣曰夫嘔吐噦三
者俱屬於胃胃者摠司也以其氣血多少為異耳嘔者陽明

也陽明多血多氣故有聲有物氣血俱病也吐者太陽也太
陽多血少氣故有物無聲血病也噦者少陽也少陽多氣少
血故有聲無物氣病也河間曰胃膈熱甚則為嘔火氣炎上
之象也吐証有三氣積寒也皆從三焦論之上焦在胃口上
通於天氣主納而不出中焦在中脘上通天氣下通地氣主
腐熟水穀下焦在臍下下通地氣主出而不納是故上焦吐
者皆從於氣氣者天之陽也其脉浮而洪其証食已即吐渴
欲飲水大便燥結氣上衝胃而發痛其治當降氣和中中焦
吐者皆從於積有陰有陽食與氣相假為積而痛其脉浮而
長其証或先痛而後吐或先吐而後痛治法當以毒藥去其
積枳檉木香行其氣下焦吐者皆從於寒地道也其脉沉而
遲其証朝食暮吐暮食朝吐小便清利大便秘而不通治法
當以毒藥通其秘塞溫其寒氣太便秘漸通復以中焦藥和之

不令大便秘結而自愈也。外有傷寒陽明實熱太甚而吐逆者，有內傷飲食填塞太陰，以致胃氣不得宣通而吐者，有胃熱而吐者，有胃寒而吐者，有久病氣虛胃氣衰甚，聞穀氣則嘔噦者，有脾濕太甚不能運化精微，致清痰留飲鬱滯上中二焦，時時惡心吐清水者，宜各以類推而治之，不可執一見也。

脉法

脉經曰：嘔而脉弱，小便復利，身有微熱，厥者難治。跌陽脉浮者，胃氣虛寒，氣在上，噯氣在下，二氣相爭，但出而不入其人，即嘔而不得食，恐怖即死，寬緩即瘥。脉陽緊陰數，其以食已則吐，陽浮而數亦為吐。寸口脉緊而乾，緊則為寒，乾則為虛，虛寒相搏，脉為陰結而遲，人則噎閉，上脉數其人則吐。脉弦者，虛也，胃氣無餘。

朝食暮吐暮食朝吐變為反胃寒在於上醫反下之令脉

反弦故名曰虛

寸口脉微而數微則無氣無氣則榮虛榮虛則血不足血不

足則胸中冷故吐

方法丹溪方法凡一十條

丹溪曰胃中有熱膈上有痰一陳湯加炒梔子姜炒黃連生

姜煎服

○凡嘔吐者切不可下逆之故也

○有久病吐者胃氣虛不納穀也生姜人參黃芪白朮香附治

之凡痞滿短氣而嘔宜補中氣止可用調中益氣湯

○肝火出胃逆上嘔吐抑青丸方見火門

○夏月嘔吐不止五苓散加姜汁入湯調服

○吐虫而嘔用黑錫炒成灰楸榔末米飲調服

○惡心吐清水者有熱有痰有虛皆用生姜隨証佐藥治之

○胃中有熱者二陳湯加姜汁制炒黃連黃芩挾虛者加入參

白朮又云胃虛弱嘔者二陳湯加砂仁藿香白朮

○痰飲為患或因多食生冷脾胃不和以致嘔吐惡心或頭眩

或胃腕懷懷不快或發寒熱二陳湯加丁香烏梅生姜煎

服心下痞而痛者加草薤菖仁

○痰熱惡心嘔吐氣盛者道痰湯加宿砂姜炒黃連竹茹

○藿香安胃散治胃氣虛弱不能飲食時時嘔吐惡心者

藿香 人參 陳皮 各一錢 丁香 五分

右細切作一服水一盞煎至七分溫服

○和中桔梗湯治上焦氣熱上衝食已暴吐脉浮而洪宜和

中桔梗半錢半夏麴二錢陳皮去白枳實炒黃色

白茯苓一錢白朮一錢半厚朴姜汁拌炒一錢

右細切作一服水一盞半煎至一盞去粗取清汁調木香散二錢空腹服三服後氣漸下吐漸止然後去木香散加芍藥二錢黃芪一錢半煎服病愈則已如大便燥結食不盡下以大承氣湯去芒硝微下之再服前藥補之如大便復結又依前微下之

問河 ○木香散

木香

檳榔

各等分為細末前藥調之服入

問河

○荆黃湯治暴吐上焦熱氣所衝脉浮而洪者

荆芥穗五分人參二分甘草一分 大黃一分半

右細切作一服水二盞煎至一盞去粗調檳榔散二錢空

腹服入

問河 ○檳榔散

檳榔 三升

木香 一升 半 輕粉 少許

右為細末用前藥調服為丸亦可用水浸蒸餅丸如小豆
大每服二十九食後服

問

○青鎮丸治上焦吐頭痛發熱有汗脉弦

柴胡 二兩

黃芩 七升半 甘草 五升

半夏 五升

青代 二升半 人參 五升

右為細末姜汁浸蒸餅為丸如梧桐子大每服五十九至
姜湯送下食後服

問

○白朮湯治胃中虛損及有痰而吐者

半夏 麴 五升

白朮 二升

檳榔 二升半 木香 一升

甘草 一升 茯苓 二升

右為細末每服二錢生姜湯調下食前服

問

○金花丸治吐食脉弦者肝乘於脾而吐乃由脾胃之虛宜

治風寒脾

半夏湯一兩 煨榔 二分 雄黃 一分半

右為細末，姜汁和，蒸餅為丸，如梧桐子大小。兒丸如黍米，大生薑湯送下。從少至多，漸加服之。以吐為度，無羈絆於脾，故飲食自下。

問

○紫沉丸治中焦吐食，由食積與寒氣相假，故吐而痛，宜服此藥。

半夏麩 二分 烏梅肉 二分 代赭石 三分 杏仁去皮尖另

砂仁 三分 丁香 二分 沉香 一分 煨榔 二分

木香 一分 陳皮 五分 白芷仁 半分 白朮 一分

巴豆霜另研半

右為細末，入巴豆霜，和勻，醋麩糊為丸，如黍米大，每服五十九，食後生薑湯下，吐愈則止。小兒另丸，如芝蔴大，治小

兒食積吐食亦大妙

神 ○ 小半夏湯治陽明傷寒不納穀而嘔吐不已者

半夏 湯炮七次 一兩 生姜 二兩

右細切水三盞煎至一盞去粗分作二服服之

人 生 ○ 生姜汁半夏湯治胃中似喘不喘似嘔不嘔似噦不噦徹

心憤憤然無柰者

半夏 湯泡洗七次 一兩

右細切水一盞半生姜自然汁半盞同煎至一盞溫服仲

景曰嘔多雖有陽明証慎不可下孫思邈曰嘔家多服生

姜乃嘔家之聖藥也氣逆者以辛散之故以生姜為主治

之

棟 ○ 藿香平胃散治內傷飲食填塞太陰嘔吐不已

藿香 一錢 厚朴 一錢 蒼朮 一錢 陳皮 一錢

甘草多三分 砂仁 半錢 研神麴 半錢 炒

右細切作一服加生薑五片大棗一枚水一盞半煎至一

盞去粗溫服

方局 ○胃苓湯治証同前

平胃散加五苓散加姜棗水煎服之

溪冊 ○黃連六一湯治因多食煎燻燒餅熱麩之類以致胃脘當

心而痛或嘔吐不_下已漸成反胃

黃連六錢 甘草多一錢

右細切作一服水一大盞煎至七分去粗溫服

方局 ○丁附治中湯治胃傷寒冷之物致心腹疼痛而嘔噦不止

人參五分 白朮一錢 乾姜一錢 甘草三分 炙

陳皮 青皮 丁香各一錢 附子二錢

右細切作一服加生薑五片大棗一枚水一盞半煎至一

盡去粗溫服

丹溪 ○加味二陳湯治胃中有伏火膈上有稠痰時常胃口作痛

及惡心吐清水不快

陳皮去白一錢

半夏泡半一錢

茯苓一錢

甘草炙三分

梔子炒一錢

黃連炒一錢

川芎一錢

白朮一錢

乾姜炒半錢

蒼朮一錢

香附一錢

牡荊子炒另研一錢半

挾虛者加人參一錢

右細切作一服水二盞加生姜二片煎至二盞稍熱服如

胃口痛甚入生姜自然汁一合和勻服

東垣 ○丁香安胃湯治嘔吐噦胃虛寒所致

丁香半錢

具茱萸一錢

草豆蔻一錢

黃芪二錢

人參一錢

炙甘草半錢

柴胡半錢

升麻

當歸身

陳皮各半錢

黃栢二分

蒼朮一錢

右細切作一服水一盞煎至七分食前溫服

東垣○茯苓半夏湯治脾胃虛弱身重有痰惡心欲吐風邪羈絆

於脾胃之間當先實其脾土

白朮一錢 茯苓一錢 半夏一錢 炒麴一錢

橘紅七分 天麻七分 麥蘖麩炒黃色一錢二分

右細切作一服水一盞半加生姜五片煎至三盞熱服

○丹溪活套云胃中有熱膈中有痰令人時常嘔吐清水作變

氣吞酸等証用二陳湯加姜炒黃連梔子蒼朮川芎香附

砂仁神麴山查少加木香以行滯氣加姜水煎服

○久病虛者加入參白朮○胃寒者加益智草豈寇乾姜

挂心之類去黃連梔子又甚者加丁香附子○如脇痛或

脾痛右關脉弦嘔吐不食此木來土之分也本方加入參

白朮升麻柴胡青皮芍藥川芎砂仁神麴之類○如時常

吐清水或口甘不喜食冷涎自下而湧上者此脾熱所致也本方加白朮芍藥升麻土炒參連梔子神麩麥芽乾生薑或丸或煎皆可○如時常惡心吐清水心胃作痛得食則暫止飢則甚者此胃中有蠶也本方加苦練根史均子煎服即愈或用黑錫灰煨柳末等分米飲調下

在城黃氏婦將年三十產後因食傷致胃虛不納穀四十餘日矣聞穀氣則惡心而嘔聞藥氣亦嘔求子治子曰藥不能入口又將何法以治之乎懇求不已遂制一方用入參白朮茯苓各一錢甘草二分陳皮藿香砂仁各五分炒神麩一錢十年以上陳倉米一合順流水二大白盞煎沸泡伏龍肝研細擗渾放澄清取一盞加姜棗同煎前藥至七分稍冷服此藥遂納而不吐別以陳倉米煎湯時時與之日進前藥二三服漸能吃粥而安後以此法治十數人皆

噎膈十九

論

內經曰三陽結謂之膈子和云三陽者大小腸膀胱也結謂
 熱結也小腸熱結則血脉燥大腸熱結則不能圓勝勝執結
 則津液涸三陽既結則前後閉塞下既不通必反而上行所
 以噎食不下繼下而復出也此陽火不下降而上行也故經
 又曰少陽所至為嘔湧溢食不下此理明矣又先哲論膈噎
 反胃大率以血液乾槁其或咽喉窒塞食不能下其槁在吸
 門或食下則胃脘當心而痛頃更吐出食出痛止其槁在賁
 門此皆上焦之膈噎也其或食物可下良久復出其槁在幽
 門此中焦之膈噎也其或朝食暮吐暮食朝吐其槁在蘭門
 大小腸之間此下焦之膈噎也雖然亦有斯須輕病而為醫

所誤者丹溪論之詳矣謂夫氣之初病其端甚微或因些少
飲食不謹或外冒風雨內傷七情或食味過厚偏助陽氣積
成膈熱或資稟充實表密無汁或性急易怒相火上炎以致
津液不行清濁相干惟氣之為病或痞或痛或不思食或噫
腐吞酸或嘈雜痞悶醫者不求其本便認為寒遽以辛香燥
熱之劑投之時暫得快以為神方厚味仍前不即七情又復
相侵舊病被劫暫開濁液易於攢聚或半月或一月前証復
作如此延蔓自氣成積自積成痰此為痰為飲為吞酸之由
也良工未遇謬藥又行痰挾瘀血遂成窠囊此為痞為痛為
嘔吐膈噎反胃之次第也醫者尤謂虛而積寒非尋常草木
可療竟以烏附助佐丹劑專意服餌積而久也血液俱耗胃
脘乾槁其槁在上近咽之下水飲可行食物難入間或可入
食亦不多名之曰噎其槁在下與胃為近食雖可下難盡入

胃良久復出名之曰臍亦曰反胃太便秘小若羊屎然名雖不同病出一體又曰噎病生於血乾血陰也陰主靜內外兩靜則藏府之火不起而金水一藏有養陰血自生腸胃津液傳化合宜何噎之有醫者當知此意不可妄以燥熱之劑以火濟火則何以異刺入而殺之也慎之慎之

脉法

脉經曰寸緊尺澁其人胃滿不能食而吐吐止者為下之故不能食誤言未止者此為反胃故尺為微澁也

寸口脉緊而芤緊則為寒芤則為虛虛寒相搏脉為陰結而遲其人則噎閉止脉數其人則吐脉弦者虛也胃氣無餘朝食暮吐暮食朝吐變於胃反寒在於上醫反下之令脉反弦故名曰虛

跌陽脉浮而澁浮則虛澁則傷脾脾傷則不磨朝食暮吐暮

食朝吐宿穀不化名曰胃反脉繫而澁其病難治

脉瀼而小血不足 脉大而弱氣不足

方法丹溪方十一條

丹溪曰大率属血虚氣虚有痰

戴氏曰氣虛者脉必緩而無力血虛者脉必數而無力痰者亦閑脉必沉或伏而大有氣滯結者寸閑沉而瀼

○張雞峯曰噎當是神思間病惟内觀以自養可安此言深中

病情

○尿如羊尿者不治大腸無故也 年高者不治年五十餘則不可治矣

戴氏曰氣血俱虛者則口中多

○治法用童便韭汁竹瀝姜汁牛羊乳一本有氣虚入四君子

湯血虚入四物湯切不可用香炒藥宜薄滋味

○下法用黃連三錢煨山查肉二錢保和丸二錢同為末糊

丸麻子大胭脂胚子為衣人參湯入竹瀝下五十九

○丁方用馬鮑兒燒存性陳米湯調服野田瓜此方多有

○二三云馬鮑兒燒存性一錢好棗肉四枚平胃散二錢溫酒調服服食即可下狀後隨病源調理

○丁方用其茱萸黃連貝母瓜蒌子牛轉草丸服

○丁方用韭汁二兩牛乳一盞生姜半兩搗汁和勻頓服効

○有氣結者用開導之劑有陰火上炎者作陰虛治有積血者

當消息去之韭汁能下膈上瘀血

肥溪方○古方用人參以補肺御米以解毒竹瀝以清痰乾姜

以養血粟米以實胃蜜以潤燥姜以去穢有治寒者必為

當時有實因於寒者用之也挾寒者間或有之今久悉因

痰氣久誤於醫傳變而成其無寒也明矣

方

○瓜蒌實丸治膈噎胸膈痞痛徹背脇喘急妨悶

瓜蒌實別研枳殼去炒半夏湯炮桔梗炒各一兩

右為細末，姜汁米糊為丸，如梧桐子大，每服五十九，生姜湯送下。

陳 ○寬中進食丸，滋形氣，喜飲食，方見內傷門。

垣 ○人參利膈丸，治膈噎胃中不利，大便結燥，痰嗽喘滿，脾胃

雍滯，推陳致新，治膈氣之聖藥也。

木香 檳榔各七錢半 人參 當歸

藿香 甘草 枳實各一兩 大黃 酒浸蒸熟

厚朴姜制一兩

右為細末，滴水為丸，如梧桐子大，每服五十九，溫水下。

○丹溪活套云：凡膈噎及胃痞，用二陳湯加姜汁，竹瀝童便，韭

汁之類，為主治。○如胸中覺有熱悶，本方加土炒黃連、黃

芩、瓜蒌仁、桔梗之類。○如血虛瘦弱之人，本方合四物湯

少加杏仁、泥紅花、童便、韭汁之類，仍不可缺。○如飲酒人

本方加砂糖、馱屎入內服。○如朝食暮吐、暮食朝吐、或食下、瀕更即吐者，此胃可容受而脾不能傳送也。或大小腸秘結不通，食返而上奔也。本方加酒蒸大黃、桃仁之類，以潤之。脾不磨者，本方多加麥蘖麩、神麩之類，以助化之。○如氣虛肥白人，膈噎者，本方合四君子湯，亦加竹瀝、姜汁為要藥也。○有因七情鬱結成氣噎者，本方加香附、撫芎、木香、枳、柳、括、麥、仁、砂、仁之類。○凡膈噎大便燥結，用大黃乃急則治其標之劑也。仍用四物湯加童便、韭汁，多飲牛羊乳為上策也。但不可以人乳代之，蓋人乳內有飲食烹飪之火，及七情之火，存於中，故不可代服也。

○祖傳經驗秘方潤腸膏治膈噎大便燥結飲食良以復出及

朝食暮吐暮食朝吐者其功甚捷

新取威靈仙四兩搗汁

生薑四兩搗汁

真麻油二兩 白砂蜜四兩煎沸掠出上沫

右四味同入銀石器內攪勻慢火煎候如飭時時以筋挑食之下料未愈再服二料決効

○經驗大力奪命丸治膈噎不下食及翻胃等証

杵頭糠 牛轉草各半斤糯米一斤

右為細末取黃母牛口中涎沫為丸如龍眼大入鍋中慢火煮熟食之加沙糖二三兩入內丸尤佳

○一方治膈噎久不納穀者

隔年炊飯乾不拘多少

右下味以急流順水煎黃糜爛取濃汗時時與之待能食後以調脾進食生益順氣之藥調治而安

○猶溪平賢九里年五十三夏秋間得噎証胃脘痛食不下或食下良久復出太便燥結人黑瘦殊甚求予治診其脉右

手關前弦滑而洪關後畧沉小左三部俱沉弦尺帶孔子
曰此中氣不足木來侮土上焦濕熱鬱結成痰下焦血少
故大便燥結陰火上衝吸門故食不下用四物以生血用
四君子以補氣用二陳以祛痰三合成劑加姜炒黃連炒
枳實括萎仁少加砂仁又間服閏腸丸或服丹溪墜痰丸
半年服前藥百餘貼病全安

○梅林駱氏婦予妻孀也年四十九身材畧瘦小勤於文工得
膈噎証半年矣飲食絕不進而大便結燥不行者十數日
小腹隱隱然疼痛求予治診之六脉皆沉伏予以生桃仁
七箇令細嚼杵生韭汁一盞送下片時許病者云胃中畧
見寬舒以四物湯六錢加括萎仁一錢桃仁泥半錢酒蒸
大黃一錢酒紅花一分煎成正藥一盞取新溫羊乳汁一
盞合而服之半日後下宿糞若午明日腹中痛止漸可進

論

稀粥而少安後以四物湯出入加減合羊乳汁服五六
貼而安效嗽效

飢逆 二十

顏書飢與餽通氣上逆作聲之名也古方皆以餽為效逆諸書又多誤以效嗽為效逆孫真人又誤以熾為效逆餽於立切亦有書為吃逆者皆誤也

內經曰諸逆衝上皆屬於火丹溪曰飢病氣逆也以其氣自臍下直衝上出於口之名也東垣謂火與元氣不兩立又謂火為元氣之賊古方悉以胃弱言之而不及火且以丁香柿蒂竹茹陳皮等劑治之未審孰為降火孰為補虛入之陰氣依胃為養胃土損傷則木來侮之矣謂之土敗木賊也陰為火所乘不得內相木挾相火之勢故其氣直衝清道而上言胃弱者陰弱也虛之甚也病者見此似為危証依正法而治之者尚不能保其工一而况誤醫者乎雖

然亦有因實而為飭者不可不審或因飲食太過填塞胃
中而氣不得升降者或有痰閉於上火起於下而氣不得
伸越者有為傷寒熱病陽明內實過期而失下清氣不得
升濁氣不得降以致氣不宣通而發飭者凡若此者皆實
証也醫者宜專心致意察審虛實而調治之不可妄為處
治以天人之天年也幸甚

脉法

脉浮而緩者易治弦急而按之不鼓者難治

脉結或促或微皆可治 脉代者危

右關脉弦者木乘土位難治

方法 丹溪方法凡六條

○丹溪曰大率有痰有氣虛有虛火上衝視有餘不足治之
痰與食在上者吐之入參芩稀涎散之類

○不足者補之人參白朮煎湯下大補丸

○痰用陳皮半夏氣虛用人參白朮陰火用黃連黃柏滑石或

吐或補隨証施治

肥上皆○觀逆自利滑石甘草黃柏芍藥入參白朮陳皮加竹

瀝服ス

○痢疾發斃用人參白朮煎湯調益元散頻服自止

婦○陳皮竹筍湯治傷寒餘熱未解氣虛發斃

甘草炙一錢 人參二錢 陳皮去白三錢 青竹筍四錢

右細切作丁服加生薑三片大棗一枚水煎服ス

○橘皮半夏生姜湯治氣虛有痰發斃

陳皮 半夏 乾生薑 人參 通草各

右細切作一服水一盞半煎至一盞去粗溫服ス

方○六君子湯治痰挾氣虛發斃

陳皮一錢 半夏一錢半 茯苓一錢 甘草五分

人參一錢 白朮一錢半

右細切作一服加大棗二枚生姜三片新汲水煎服

○丹溪活套云凡傷寒發厥有四証不可不辨有中氣不足脉虛微氣不相續而發厥者宜用補中益氣湯加生脉散黃柏以降虛火或少加附子服之立愈有陽明內實痞下而發厥者宜大承氣湯下之而愈有渴而飲水太過成水結胸而又發厥者宜小陷胸湯或用小青龍湯去麻黃加附子治水寒相搏發厥大妙有傳經傷寒熱証醫者誤用姜桂等熱藥助起火邪痰火相搏而為咳逆者宜用黃連解毒白虎湯及竹瀝之類治之

○祖傳經驗灸咳逆法

乳根一穴直乳下一寸六分婦人在乳房下起肉處陷中

論

灸斗壯即止其効如神

又氣海一穴直臍下寸半灸三七壯立止

東陽李氏子病傷寒陽明內實醫與補藥治而成發餓十日後召予診其脈長而實大與天承氣湯大下之熱退而愈
盤松周氏子得傷寒証七日熱退而餓連聲不絕予家務
惶召予診脈六脈皆沉細無力人倦甚以補車益氣湯作
大劑加海附子一錢一日三貼兼灸乳根氣海三度當
日飽止脈亦充而平夫

吞酸

三十一

內經曰諸嘔吐酸皆屬於熱惟李東垣獨以為寒誠一偏
之見也河間原病式曰酸者肝木之味也由火盛制金不
能平木則肝木自甚故為酸也如飲食熱則易於酸矣是
以肝熱則口酸也或言為寒者但謂傷生冷硬物而喜噫
醋吞酸故俗醫主於溫和脾胃豈知人之傷於寒也則為
病熱蓋寒傷皮毛則腠理閉密陽氣拂鬱而為熱証故傷

寒熱在表而以麻黃湯熱藥發散使腠理開通汗泄熱退而愈也凡內傷冷物者或但陰勝陽而為病寒或寒熱相搏拂鬱而為病熱亦有內傷冷物而反病熱得汗泄熱退身涼而病愈也或微而止為中酸俗謂之醋心法宜溫藥散之亦猶傷寒解表之義若久喜酸不已則不宜溫宜以寒藥治之後以涼藥調之結散熱去則氣和矣所以中酸不宜食粘滑油膩者謂能令氣鬱不通暢如食物在胃覆蓋熱而自酸宜食糖食菜蔬能令氣之通利也曰寒曰熱於斯明矣李者謹之

脈法

脈弦而滑 兩手或浮而弦或浮而滑或沉而遲或沉而洪或洪而數或沉而遲胸中有寒飲洪數者痰熱在膈間時吐酸水欲成胃反也

方法 丹溪方法凡七條

○茱萸丸

吳茱萸去極湯泡

陳皮去白

黃芩陳壁土炒各

黃連土炒一兩

蒼木米泔浸七錢半

右為細末神曲糊丸如菘豆大每服二三十九津唾嚥下
一左茱萸連二味隨時令寒熱迭為佐使寒月依本方
蒼木茯苓為補助湯漫蒸餅為小丸吞之

○治酸必用茱萸順其性而析之

○食鬱有痰二陳湯加南星黃芩之類

○加味平胃散治吞酸因食鬱所致

生料平胃散加炒神麩炒麥芽姜棗同煎

○酸味宜節厚味必蔬食自養則病易安

○吐清水用蒼木

陳壁土炒

茯苓滑石炒

白木陳皮煎服

○參黃丸上可治吞酸下可治自利又云治濕而氣滯者濕熱

甚者用之為嚙導

六一散一料

吳茱萸一兩制

右為飯丸服

堧

○藿香安胃散治脾胃虛弱飲食入胃嘔吐作酸不待腐熟

藿香

丁香

人參各二錢 陳皮五錢

右為細末每服二錢加生姜水煎溫服

溪冊

○加減二陳湯治痰飲為患嘔吐頭眩心悸或因食生冷硬

物脾胃不和時吐酸水

丁香半錢

半夏

陳皮各二錢 茯苓一錢半

甘草七分半

右細切作一服加生姜二片水煎服

○二因麴木丸治中脘宿食留飲酸蟄心痛吐清水

神麴炒三兩

蒼木

米泔砂仁一兩

陳皮去白一兩

右為細末，生姜汁別煮神麩糊為丸，如梧桐子大，每服七十九，姜湯送下。

○祖傳經驗治吞酸方

用黃連、吳茱萸各一兩，右以黃連細切，同茱萸以井花水浸七日，去連，將茱萸焙乾，每日清晨以米湯下四十九粒。

嘈雜噯氣

二十一

論

內經曰：胃為水穀之海，無物不受。若夫濕麵魚腥水菓生冷，以及烹飪調和粘滑難化等物，恣食無節，朝傷暮損，而成清痰稠飲，滯于中宮。故謂嘈雜噯氣吞酸痞滿，甚則為翻胃，嘔噎即此之由也。夫嘈雜之為証也，似飢不飢，似痛不痛，而有懊懣不自寧之况者，是也。其証或兼噯氣，或兼痞滿，或兼惡心，漸至胃脘作痛，實痰火之為患也。治法以南星半隻，橘紅

之類以消其痰，芩連梔子石膏知母之類以降其火，蒼朮白朮芍藥之類以健脾行濕壯其本元。又當忌口，即慾無有不安者也。

脉法

右寸關脉緊而滑，兩寸弦滑胸中有留飲。

寸脉橫者，膈上有積積也。○右關弦急甚者，木乘土位欲作

胃及難治。

方法 冊溪方法凡八條

冊溪曰：此為食鬱有熱，炒梔子姜炒黃連乃必用之藥也。

○肥人宜二陳湯，少加撫芎蒼朮白朮梔子。

○若濕痰氣滯，不喜食用，三補丸加蒼朮倍香附。

○三聖丸治嘈雜神効。

白朮 四兩

黃連 五錢

橘紅 一兩

右為細末神麩糊丸如菘豆大每服五十九津唾下或姜湯下

○木連丸治嘈雜

白木 四兩

黃連 四兩半

右為細末神麩糊丸如黍米大津唾下

○軟石膏丸治噦氣嘈雜

南星 炮製半夏 湯洗

軟石膏 煨

香附 浸透

梔子 炒

右各等分為細末粥丸如梧桐子大每服五十九姜湯下

○麩木丸治中脘有飲則嘈宿食則酸方見吞酸門

○六抵嘈雜是痰因火動令人心嘈似飢非飢有積有熱也宜

用山梔子黃連煖汁為君南星半夏陳皮為臣熱多加青黛

若食前煎熟梔子與姜炒黃連不可無

論

痞滿門 二十三

內經曰脩化之紀其病痞又曰大陰所至為積飲痞膈夫痞
滿之證東垣論之詳矣謂太陰濕土主壅塞乃土來心下為
痞滿也傷寒下之太早亦為痞滿乃寒傷榮血而然心主血
邪入於本故為心下痞仲景以芩連瀉心下之土
邪功效甚速非止傷寒為然至於酒積雜病下之太過亦作
痞滿蓋下多則亡陰也亡陰者謂脾胃水穀之陰亡也故胃
中之氣因虛而下陷于心之分野故心下痞宜升胃氣以血
藥兼之若全用利氣之藥導之則痞尤甚痞甚而復下之氣
愈不降必變為中滿鼓脹皆非其治也又有虛實之異如實

痞太便秘者厚朴枳實主之虛痞大便利者芍藥陳皮主之
如飲食所傷而為痞滿者宜消導其胃中空塞之氣上逆元
元欲吐者則宜吐之所謂在上者因而越之是也學者宜詳
究焉

脉法

脉經曰痞脉浮堅而下之緊反入裏因作痞

脉濡弱弱反在關濡反在顛微反在上澁反在下微則陽氣

不足澁則無血陽氣反微中風汗出而燥煩澁則無血厥而

且寒陽微不可下下則心下痞堅

右關脉多弦弦而遲者必心下堅此辨木氣不斂結滯閉

方法 丹溪方法凡二條

丹溪曰痞滿與脹滿不同脹滿內脹而外亦形痞則內澁痞

悶而外無脹急之形也蓋由陰伏陽鬱氣血不運而成位

填_二心下之中腹滿痞塞皆土邪之所為耳有因誤下裏氣虛
邪乘虛而_入於心之分野有因食痰積不能施行而作痞
者有濕熱太甚土來心下而為痞者_上

○用黃連黃芩枳實之苦以泄之厚朴生姜半夏之辛以散之
人參白朮之甘溫以補之茯苓澤瀉之鹹淡以滲之_{大柴}
與溫同治使_下上下分消可也

○厚朴溫中湯治脾胃虛弱心腹脹滿疼痛時發時止_下

厚朴姜汁拌 陳皮去白各一兩 茯苓 草薺各

甘草 木香各半錢 乾生薑一錢 右細切水煎服

垣東○木香順氣湯治臍脹心腹滿悶

木香 益智 陳皮 蒼朮 草薺各錢

厚朴姜製 青皮各四分 茯苓 澤瀉 半夏各六分

乾生薑 茱萸各三分 當歸 人參各五升 麻

柴胡各一錢

右細切作一服水一盞半煎至一盞温服

丹

○痞有痰挾血成窠囊者用桃仁紅花香附大黃之類治之

半夏

茯苓

厚朴錢半 紫蘇葉一錢

右細切作一服加生姜三片水一盞半煎至一盞温服

○大消痞丸治一切心下痞及年久不愈者

乾生姜

神麴炒

甘草炙各二錢

朱苓二錢半

澤瀉

厚朴拌炒

砂仁各三錢

半夏湯泡七次去皮臍

陳皮去白

人參各四錢

枳實五錢去穰麴炒

黃連

陳壁土黃芩各六錢

姜黃

白朮各一兩

右為細末湯浸蒸餅為丸如梧桐子大每服五十九至百

九空心白湯下

垣東

方局

垣東 ○失咲丸一名枳實消痞丸治右関脉弦心下虚痞惡食懶倦開胃

進食ヲ

乾生姜一錢 甘草炙

麥蘖麩炒

白茯苓

白朮各二錢

半夏麩

人參各三錢

厚朴姜制四錢

枳實麩炒

黃連各五錢

右為細末蒸餅為丸如梧桐子大每服七八十九白湯下ス

垣東 ○消痞湯一名枳實消痞湯治因憂氣鬱結中脘腹皮裏微痛心下

痞滿不思飲食ヲ

川歸

枳實炒各陳皮

生姜

木香各六分

柴胡七分 甘草炙

草薺各一錢麩包煨

半夏一錢

紅花一分

右細切作二服加生姜二片水二盞煎至一盞溫服ス

○黃連消痞丸治心下痞滿壅滯不散煩熱喘促不安

澤瀉 姜黃 各一錢
乾生薑 二錢
甘草 炙
茯苓

白朮 各三錢
陳皮 五錢
朱芩 去黑皮 五錢

枳實 炒黃色 七錢
半夏 湯泡七次 九錢

黃芩 二兩 炒
黃連 兩一

右為細末蒸餅為丸如梧桐子大每服五十九丸白湯下

黃芩利膈丸除胃中熱利膈上痰

生黃芩 炒黃芩 各一兩半
半夏 黃連 各五錢

澤瀉 五錢
南星 枳殼 炒去 陳皮 去白 各三錢

白朮 二錢
白礬 一錢
今加蘿蔔子 五錢 炒

小皂角 一錢

右為細末湯浸蒸餅為丸如梧桐子大每服五十九丸白湯

下忌酒濕麪魚腥

○丹溪活套云凡心下痞滿須用枳實黃連○如肥人心下痞

內有濕飲宜蒼朮半貝確砂茯苓滑石之類。○如瘦人心
下痞乃鬱熱在上焦宜枳實黃連以導之。高根升麻以發
之。○如人飲食後因冒風寒飲食不消而作痞滿宜吳茱
萸縮砂藿香草豆蔻之類。溫以化之。○如脾氣虛弱轉運
不調飲食不化而作痞者宜白朮山查神麩麥芽之類以
消之。○又曰痞滿之証不一有傷寒下早而作痞者枳殼
桔梗湯小陷胸湯之類。○有因酒食填塞胸中而作痞者
保和丸東垣枳實導滯丸木香化滯湯之類。○傷寒下多
則亡陰而痞者四物湯加參苓白朮升麻柴胡少佐以陳
皮枳殼之類除之。○或大病後元氣未復而胸滿氣壅者
補中益氣湯陳皮枳朮丸木香枳朮丸之類。○夫痞滿之
証不可執一全在活法詳脉証虛實而調之可也。

山頭沉三十一丈年三十餘身林肥盛夏秋間因管差丈量

田地辛苦至冬間得痞滿証而脇氣攻胸中飽悶不能卧
欲成脹滿証歷數醫者皆與疎氣耗散之藥皆不効十月
初旬召予診治兩手關前皆浮洪而弦濇兩關後脈皆沉
伏予曰此膈上有稠痰脾土之氣敦阜肝木鬱滯而不伸
當用吐法木鬱達之之理也柰何值冬月降沉之令未可
行吐法且兇與豁痰疎肝氣瀉脾胃敦阜之氣用平胃散
加半夏茯苓青皮川芎草龍胆香附砂仁柴胡黃連瓜蒌
子等藥病退之十有三四待次年二月初旬為行倒倉法
平安

腫脹 二十四

論

內經曰諸濕腫滿皆屬於脾又曰諸腹脹大皆屬於熱夫脾
虛不能制水水漬妄行故通身面自手足皆浮而腫名曰水

腫或腹大如鼓而面自四肢不腫者名曰脹滯又名鼓脹皆
脾上濕熱為病腫輕而脹重也丹溪曰心肺陽也居上腎肝
陰也居下脾居中亦陰也屬土經曰飲食入胃若溢精氣上
輸於脾七氣散精上歸於肺通調水道下輸膀胱水精四布
五經並行是脾具坤靜之德而有乾健之運故能使心肺陽
降腎肝之陰升而成天地交之泰是為平人令也七情內傷
六淫外侵飲食不節勞傷致虛脾土之陰受傷轉輸之官失
職胃雖受穀不能運化故陽自升陰自降而成天地不交之
否清濁相混隧道壅塞濕鬱為熱心又生濕土熱相生遂成
脹滿經曰鼓脹是也以其外雖堅滿中空無物有似於鼓膠
固難治又名蠱者若虫侵蝕有蠱之義理宜補脾又須養肺
以制木使脾無賊邪之慮滋腎以制火使肺得清化之令卻
鹽味以防助邪斷妄想以保母氣遠音藥戒暴怒無有不妥

醫者不察急於獲効病者苦於脹滿喜行利藥以求通快殊不知竄得一日二日復脹愈甚真氣已傷去死不遠矣俗謂氣無補法者以其痞滿壅塞以難於補不思正氣虛而不能運行邪滯着而不出所以為病經曰壯者氣行則愈怯者著而成病氣虛不補和何由退病何由安且此病之起固非十年根浮蒂固欲取速効自求禍耳知王道者可與語此其或受病之淺脾胃尚壯積滯不固者惟可畧與踈導而不可峻與利藥也

愚按先生此論詳明殆盡誠子古不易之定識也及視東垣脹滿論又以藏寒生滿病立說引脈經中寒則脹滿之語以為之証愚恐南北風土寒熱不同難以余而論之雖然愚嘗按丹溪法活人多矣是以東垣之論不與胎合故不敢採其言以為後人之惑也

脉法

鍼經曰其脉大堅以瀦者脹也

脉經曰關上脉虛則内脹

遲而滑者脹

脉盛而緊者脹

虛而緊澹者脹

或弦而遲或浮而數皆脹也

丹溪曰水腫脉多沉伏病陽水無陽証脉必沉數○病陰水

兼陰証脉必沉遲○煩滿小便赤澀大便秘結此為陽水

不煩滿大便溏小便少而不赤澀此為陰水

脉沉而滑為風水 脉浮而遲弦而緊皆為腫也

水病腹大如鼓脉實者虛者死洪大者生微細者死

腹脹便血脉大時絕脉小疾者死

中惡腹大四肢腫脉大而緩者生浮而緊者死

緊而榮衛俱絕面浮腫者死

唇腫齒焦者死 卒唇腫面蒼黑者死

掌腫無紋者死 臍腫凸出者死

缺盆平者死

陰囊墜俱腫者死

脉絶口張足腫者死

足跌腫膝如土者死

万法丹溪方注

丹溪曰古方惟禹餘糧丸制肝補脾殊為切當然亦須隨時

隨証加減友人得脹疾自制此藥服之三日曰温熱藥多且煨煉之火尚存宜自加減彼不聽服之一月口鼻出血

骨立而死

○朝寬暮急血虛暮寬朝急氣虛朝暮急氣血俱虛

○治腫脹大法宜補中行温利小便以人參白朮為君蒼朮陳

皮茯苓為臣黃芩麥門冬為使以制肝木少加厚朴以消

腹脹氣不運加木香木通氣下陷加升麻柴胡提之血虛

加補血藥痰盛加利痰藥隨証加減用之無不効者

○盧氏醫鏡以水腫隸於腎肝胃而不及脾又肺金盛而生水

水溢妄行豈理也哉夫脾土受病肺為之子固不能自盛而生水然肺金氣清而能生水則滋長腎陰奉行降令為生化之源何病腫之有今為腫之水乃腐濁之氣滲透經絡流注豁谷灌入隧道血亦因之而化水欲藉脾土以制之道腎氣以利之殊不知脾病則金氣衰木寡於畏而來侮土脾欲不病不可得矣治法宜清心經之火補養脾土全運化之職肺氣下降滲道開通其敗濁之氣稍清者傷回而為氣為血為津液敗濁之甚者在上為汗在下而為溺以漸而分消矣

○腰已上腫者宜發汗腰已下腫者宜利小便此仲景之法

○東垣曰宜以辛散之以苦瀉之以淡滲利之使上下分消其濕止所謂開鬼門潔淨府開鬼門者謂發汗也潔淨府者利小便也

○產後浮腫必大補氣血小徑以蒼朮茯苓使水自降大劑白

朮補脾壅滿者用半夏陳皮香附監之有執當清肺金麥

門冬黃芩之屬

邢溪譜○熱水腫用山梔子仁炒為末米飲調下三五錢若胃

腕熱病在上者連殼用

方局○禹餘糧丸治中滿氣脹喘滿及水氣脹

蛇含石煨三兩 針砂五兩 禹餘糧三兩同炒

已上三味為主其次量入虛實入下項藥

木香 牛膝 蓬莪朮 白茯苓

桂心 川芎 茴香 白芷仁

三稜 羌活 茯苓 乾姜

青皮 陳皮 附子 當歸絡五

右為末湯浸蒸餅為丸如梧桐子大每服五十九丸空心溫

酒下

方〇絜矩三和湯

陳皮

紫蘇

甘草七分

厚朴製

檳榔

白木銘

海金砂四分

木通三分

右細切

作一服加生姜三片水煎服

氏藏

〇濟生紫蘇湯專治憂慮過度致傷脾肺心腹脹滿喘促治腸

鳴氣走瀉瀉有聲大小使不利脉虛而緊瀉

紫蘇子研

白木二錢

人參錢

大腹皮酒洗

草菓仁

半夏

厚朴

木香

陳皮

枳壳麩炒

甘草五分

右細切

作一服加生姜三片大棗一枚水煎溫服

垣

〇木香順氣湯治濁氣在上則生膈脹

木香三分

厚朴四分

青皮

陳皮

益智

茯苓

澤瀉

乾生姜

半夏各貳分

川歸伍分

升麻一分

吳茱萸湯泡二分

柴胡一分

蒼朮伍分

白朮錢

草豈薏仁

右細切作一服水二盞煎至一盞溫服

陳

○中滿分消丸治中滿鼓脹氣脹水脹熱脹

此非寒脹類

黃芩法朽細切酒拌

黃連

枳實麴炒黃色

半夏湯泡七次去皮

甘草各五錢

姜黃

白朮

人參各三錢半

朱苓去黑皮

乾生姜

白茯苓

砂仁各二錢

厚朴姜制五錢

知母酒洗

澤瀉

陳皮去白各三錢

右為細末蒸餅糊丸如梧桐子大每服百丸焙熟白湯或

淡姜湯下

陳

○廣木潰堅湯治中滿腹脹內有積塊堅硬如石令人坐卧

不寧二便溢滯上氣喘促或通身虛腫

厚朴制

黃芩

黃連

益智

草薺剉

當歸各五

半夏炒

廣木

升麻

紅花

吳茱萸各二

生甘草

柴胡

澤瀉

神麩炒

青皮

陳皮各三

渴加乾葛分四

右細切作一服加生姜三片水二盞煎七分溫服食遠忌

酒醋濕麩一服之後中滿減半止有積塊未消再服後藥

○半夏厚朴湯

紅花

蘇木各半

木香

青皮各二

吳茱萸

乾生薑

黃連各一

肉桂

蒼朮

白茯苓

澤瀉

柴胡

陳皮

生黃芩

草薺剉

生甘草各三

京三稜

當歸稍

朱苓

升麻各四

神麴炒六分

厚朴姜制八分

半夏湯泡一分

桃仁七箇去皮尖研如泥

昆布

如渴加乾麥三分

右細切作一服水三盞前至一盞稍熱服服此藥一貼之

後前証又減一半却於前藥中加減服之

東垣

○破滯氣湯化滯散破滯氣治心腹滿悶一

甘草炙二分

白檀香

藿香

陳皮

大腹子

白豆蔻

白茯苓

桔梗各一

砂仁

人參

青皮

檳榔

木香

姜黃

白朮各四

右細切作一服水一盞半前至一盞去粗溫服不拘時候

東垣

○草豆蔻湯治腹中虛脹

澤瀉一分

木香一分

神麴一分

半夏泡

枳實煨

草薺寇

黃芪春腹

益智

甘草各五分

青皮

陳皮各六分

茯苓

當歸各七分

右細切作一服加生姜二片水二大盞煎至一盞溫服冬月加黃芪六七分春夏止服正藥食遠

問河

○葶藶木香散治濕熱內外甚水腫腹脹小便赤澁大便滑

泄スラ此藥下水濕消腫脹止瀉利小便之藥聖也

葶藶子

茯苓去皮

朱苓去皮

白木各二分

木香半錢

澤瀉

木通

甘草各五分

棘桂半錢

白滑石兩

右為細末每服三錢白湯調下食前服

問

○白木木香散治喘嗽腫滿欲變成水病者不能卧不敢多

食小便閉而不通者上

白木

木猪苓皮去

澤瀉

甘草

木通

赤茯苓各五分

木香

槟榔各三

陳皮去二銚

官桂二分

滑石錢

右細切作一服加生姜三片水一盞半煎至一盞温服

問○二氣散治水氣蠱脹滿悶

白丑

黑丑鎔二

右為細末外用大麥麩四兩同一處拌勻做燒餅臨卧用

茶清一盞下降氣為驗

問○牽牛丸治一切濕熱腫滿等証

黑丑

黃芩

大黃

椒目

滑石各等分

右為細末酒煮麩糊為丸如梧桐子大每服五丸至七丸
生姜湯下食後服看虛實加減丸數

問

○二花神祐丸治中滿腹脹喘嗽淋瀝一切水濕腫滿濕熱

腸垢陳積變生諸疾久病不已黃瘦困倦氣血壅滯不得

宣通或風熱燥鬱肢體麻痺走注疼痛風痰涎嗽頭目眩

運瘡疾不已癥瘕積聚堅滿痞悶酒積食積一切痰飲嘔

逆及婦人經病不快帶下淋瀝無問赤白併男婦傷寒濕

熱腹滿實痛久新瘦弱俗不能辨兼瀉新舊腰痛併一切

下痢及小兒驚疳積熱乳癖腹滿並宜服之

甘遂

大戟各五錢

大黃兩一

芫花

醋拌濕炒五錢

輕粉

包一錢不研黑丑末一兩取頭

右為細末同輕粉拌勻滴水為丸如小豈大初服五丸每

服五丸溫水下日三服加至快利為度利後却又常服病

去乃止設病愈後惟老弱久病虛人勿服平人常服保養

宜通氣血消進飲食病痞悶極甚者便多服則頓攻不開

轉加痛悶宜初服二九每服加二九至快利為度以意消
息小兒丸如麻子大隨強弱大小增減丸數三四歲者三
四九依前法服又
阿○宣明雞屎醴飲詞出素問論治鼓脹日食則不能暮食痞滿

壅塞難當又

大黃

桃仁去皮尖

乾雞屎

右各等分為細末每服二錢水一盞生姜三片煎湯調下
食遠臨卧服又

○丹溪活套云凡腹脹須用姜制厚朴肥人腹脹必用利濕蒼

木茯苓滑石海金沙之類○色白人腹脹必是氣虛用入

參白朮白茯苓之類○瘦人腹脹是熱必用黃連黃芩梔

子厚朴之類○如因有故蓄血而腹脹者用桃仁紅花甚

者用抵當湯丸之類○如因食積而腹脹者保和丸加木

香檳榔阿魏之類○有熱鬱而脹者木香檳榔丸之類下
之○有寒積鬱結而脹者局方丁香脾積丸東垣二稜消
積丸之類○如因外寒鬱內熱而腹脹者用霍香官桂升
麻乾葛之類○如因多怒鬱氣而脹者宜用蒼木撫芎香
附青皮芍藥柴胡及龍薈丸之類○凡腹脹初得是氣脹
宜行氣疎導之劑木香檳榔枳壳青皮陳皮厚朴之類○
久則成水脹宜行溫利水之劑

○祖傳經驗雞屎醴治鼓脹氣脹水脹等証

雞屎尿一升

右一味研細炒焦色地上出火毒再研極細百沸湯三升
淋汁每服一大盞調木香檳榔末各一錢日三服空腹服
以年為期

○又經驗方治腫脹或通身水腫或腹大堅滿

三稜 莪朮略用 陳皮白 青皮 砂仁

羌活 防已 澤瀉 連翹 檳榔略三

甘遂二錢 椒目 水香 乾漆一錢 白丑

黑丑略末二及取 大黃鐵 雙頭連翹

右研為細末麩糊為丸如梧桐子大每服三錢重空心溫

酒送下以利為度病退即止藥忌甘草菘菜鹽醬

○又經驗桃奴丸治婦人或室女月經不通漸成脹痛及男子

墜馬跌撲損傷以致瘀血停積成血蠱病皆能治之

桃奴桃樹上乾朽小 狹鼠糞兩頭尖者是

玄胡索 肉桂 香附子 五靈脂

砂仁 桃仁去皮尖

右為末每服三錢溫酒調下

○予族八一兄素能飲酒年五十得腫脹病通身水腫腹脹

甚小便澁而不利大便滑泄召亭治予曰若戒酒色益蓄
 此病可保無危不然去生漸遠兄曰自今日戒起予以丹
 溪之法而以參朮為君加剝水道制肝木清肺金等藥十
 貼而小便長大便實腫退而安又半月有二從弟平日同
 飲酒者曰天民弟素不飲酒山中之鹿耳我與兄水中之
 魚也鹿可無水魚亦可無水乎三人遂痛飲沉醉而止次
 日病作甚於前復來求治予曰不可為矣換過一月而逝

○梅林妻姪孫駱智一得腫脹証亦令戒前四事用前法服藥
 四五十貼而愈頰安五年一日嘆曰人不乾鹽醬與死何
 異遂開鹽十數日後舊病大作再來求治不許又告欲行
 倒倉法予曰脾虛之甚此法不可行於今日也踰月腫脹
 而死予用丹溪之法治腫脹愈者多矣不能盡述特書此
 二人不守禁忌者以為後人病此者之戒云

論

積聚

二十五

內經曰積聚留飲痞膈中滿溫積霍亂吐下癥瘕堅硬腹痛皆大陰濕土乃脾胃之氣積聚之根也難經曰積者陰氣也聚者陽氣也故陰沉而伏陽浮而動氣之所積名曰積氣之所聚名曰聚故積者五臟所生聚者六腑所成也夫所謂積者陰氣也其始發有常處其痛不離其部上下有所終始左右有所窮處謂聚者陽氣也其始發無根本其痛或隱或見上下無所留止痛筭無所定位是故肝之積名曰肥氣在右脇下如覆杯有頭足久不愈令久發欬逆痰癰連歲不已心之積名曰伏梁起臍上大如臂上至心下久不愈令入煩心脾之積名曰痞氣在胃脘右側覆大如盤久不愈令入四肢不收發黃疸飲食不為飢屑肺之積名曰息奔在右脇下大

如覆杯久不愈令人洒淅寒熱喘咳發肺壅腎之積各奔豚
在小腹上至心下若豚狀或上或下無時久不愈令人喘逆
骨痿少氣東垣曰鍼經云其成積者蓋厥氣生足悅悅生脛
寒脛寒則血脈凝澁故寒氣上入腸胃所以腹脹腹脹則腸
外之汁沫迫聚而不得散日以成積矣或盛食多飲則脈傷
若起居不節用力過度則陽絡脈傷陽絡脈傷則血外溢血
外溢則衄血陰絡脈傷則血內溢血內溢則便血腸胃之絡
脈傷則血溢於腸外腸外有寒汁沫與血相搏則氣聚而成
積矣或外中於寒內傷於憂怒則氣上逆氣逆則六輸不通
溫氣不行疑血蘊裹不散津液凝澁滲着不去而成積矣又
曰生於陰者蓋憂思傷心重寒傷肺忿怒傷肝醉以入房汗
出當風則傷脾用力過度入浴則傷腎此內外三部之所生
病也故難經中說五積各有其名如肝積曰肥氣在左脇下

如杯而膈左有動氣按之牢者痛者是無是非也餘積皆然
治者當察其所痛以知其應有餘不足可補則補曰瀉則瀉
毋逆天時詳藏府之高下如寒者熱之結者散之客者除之
番者行之堅者削之按之摩之醎以軟之苦以瀉之全其真
氣而補益之隨其所利而行之節飲食慎起居和其中外可
使必已不然徒以大毒之劑攻之積不能除反傷正氣終難
復也可不慎與

耗一

脉法

脉經曰脉來細而附骨者積也在寸口積在胸中微出寸口

細作結脉經有此四字

積在喉中在關上積在膈傍上關上積在心下微下關積

在小腹又微積在氣衝脉出在右積在右脉出在左積在

左脉兩出積在中央各以其部處之也

脉來小沉而實者脾胃中有積聚不下食食則吐

肺積脉浮而毛按之辟易

心積脉沉而芤上寸無常處

肝積脉弦而細

腎積脉沉而急

脉沉重而中散者因寒食成積

脉左轉而沉重者氣癥積在胸中

脉右轉出不空寸口者內有肉癥也

方法 丹溪方法 凡六條

丹溪曰塊乃有形之物氣不能成形痰與食積死血也在中

為痰飲在右為食積在左為死血大法醎以軟之堅以削

之行氣開痰為主

○治積塊方用海石炒三稜炒莪朮香附炒肥用醋俱桃仁紅花五靈脂

之類為丸石醎炒白木湯下

○黃蜀葵根煎湯入人參白朮青皮陳皮甘草稍牛膝煎成膏

入細研桃仁玄明粉各少許熱飲之二服當見塊下病重

者補接之後加減再行

○石黼去痰積食積洗滌垢膩有功

○瓦礫子能消血塊次消痰
瓦礫子即蚌壳也盧尚青移鎮嶺南改蚌名瓦礫子以其壳上有紋

如瓦屋故名之
耳出巖表異錄

○積塊不可專用下藥徒損其氣病亦不去當消道使之鎔化

其死血塊去須大補

○三聖膏貼積塊

用末化石灰半斤為末瓦上炒微紅提出候熱稍減入大黃末一兩炒熟仍提出入桂心末五錢畧炒以米醋熬成膏厚攤烘熟貼之

○琥珀膏 用大黃朴硝各一兩為末以大蒜搗膏貼之

○阿魏丸治肉積成塊

阿魏 山查各一 連翹 鈺 黃連 六錢

右以下三味為細末以阿魏用米醋煮糊為丸如梧桐子
大每服五十九脾胃虛者以白朮三錢陳皮茯苓各一錢
煎湯送下○一方加半夏一兩以脾乾同煮石礮三錢○
又一方以醋煮神麩糊為丸無連翹○又一方既蕪諸方
而又有瓜蒌貝母南星風化硝胡黃連萊菔子麥蘗麩姜
汁浸蒸餅為丸治諸般積聚用者更宜詳之

○大温中丸○小温中丸俱治食積成痞塊面色痿黃肌膚虛

腫飲食無味等証二方俱見黃疸門

○凡婦人腹中有塊多屬死血

○一方治婦人死血食積痰飲成塊在兩脇動作啞鳴嘈雜眩

運身熱時作時止上

黃連一兩○一兩以吳茱萸半兩同炒去茱萸

萊菔子半兩煨台号

梔子

二接

莪木醋

麥麩

桃仁去皮尖香附童便浸

山查兩一

右為細末蒸餅為丸如梧桐子大每服五十九姜湯下

○一方治婦人血塊如盤有孕難服峻藥

香附醋兩 桃仁皮一兩去尖 海石醋兩 白木香

右為細末神麩糊丸服

○凡痞塊在皮裏膜外須用補氣藥及香附開之兼二陳湯先

須斷厚味為要

○倒倉法用肥嫩黃壯牛肉二三十斤切成小片去筋膜長流

水者糜爛以布漚去渣滓取淨汁再入鍋中慢火熬至琥珀色則成劑矣

病者預先斷慾食淡前一日不食晚飯

設密屋一間明亮而不通風處行之置穢桶及木瓦盆貯

吐下之物一磁瓶盛所出之瀉令病者入室以汁飲一杯

少時又飲一杯積數十杯寒月則重湯溫而飲之在其吐
利病在上者欲其吐多病在下者欲其利多病在中者及
在上復在下者欲其吐利俱多全在活法而為之緩急多
寡也視所出之物必盡病根乃止吐利後必渴甚不得與
湯以所出之溺飲之名輪迴酒非惟可以止渴抑且可以
蕩滌餘垢行後倦睡覺飢先與稠米飲次與淡稀粥三日
後方可與小菜羹次與厚粥軟飯調養半月或一月自
覺精神煥發形体輕健沉痾悉能痊矣其後須忌牛肉數
年夫牛坤土也黃土之色也以順為性而効法乎乾以為
功者牡之用也肉者胃之藥也熱而為液無形物也橫散
入肉絡由腸胃而滲透肌膚毛竅爪甲無不入也積聚久
則形質成依附腸胃道薄曲折處以為痞泊之窠白阻礙
氣血津液薰蒸燔灼成病自非剗腸剖骨之神妙可以醫

兩九散，窺犯其藩，墻戶牖乎肉液之散，溢腸胃受之，其厚皆倍於前，有似乎腫，其瘦薄曲折，處肉液充滿流行，有如洪水泛漲，其浮槎陳朽，皆推逐蕩滌順流，而不可停留，在表者因吐而汗，其清道者自吐而湧，濁道者自泄而去，凡屬滯碍，一洗而盡，牛肉全，重厚和順之性，益然煥然潤澤，枯槁補益，虛損寧無精神，煥發之樂乎？正似武王克商，散財罄粟，以賑殷人之仰望也。其方得於西域之至人，凡人於中年後行一二次，亦卻疾養壽之一助也。

夫倒倉法全藉自飲輪迴酒十數杯，以祛逐餘垢，迎接調勻新布，榮衛使藏氣育膜，生意敷暢，有脫胎換骨之功也。多嫌其穢，因致中綴而功虧一篑，若非明物理，通造化者，其肯視為羨醞良味乎？此段乃冊溪與人書簡所論也。

愚按內經謂脾胃者倉廩之官，五味出焉，大腸者傳道

之官變化出焉小腸者受盛之官化物出焉今詳此法
名為倒倉謂傾倒倉廩之陳腐也其論中反覆叮嚀之
意無非只為腸胃中痰積膠固及化生諸般奇形之虫
誠恐痼疾難療患嘗屢試明驗惟脾胃與大小腸有食
積痰飲而為腹痛痞瘕食瘡黃疸痞滿惡心噯氣嘈雜
吞酸等証行之無不應手獲効其餘一應氣血虛損與
夫反胃膈噎鼓脹癆瘵太風真病已成及肥白氣虛之
人或一切証候脉虛軟無力者切不可輕試以自招咎
愆丹溪有謂咯血吐血久病嘗用此法而愈者蓋必其人
胃中痰火太盛而真氣壯實未虧亦在丹溪之高見親
手用之則可今人效顰而妄以似是而非者行之是乃
徒取誦於他人而反謗以丹溪之法不堪信也慎之慎
之

治聖方

○大七氣

湯治積

聚狀如

癥瘕隨

氣上下

發作有

時心腹

疼痛上

氣壅塞

小腹痛

滿上

益智

陳皮

京三稜

棟 ○廣木清堅湯治有積塊堅硬如石形大如盤令人坐卧不

安中滿腹脹方見腫脹門

棟 ○半夏厚朴湯治証同前方見腫脹門

○三因散聚湯治九氣積聚狀如癥瘕隨氣上下發作有時心

腹疼痛攻刺腰脇小腹脹大小便不利

半夏 枳櫚 川歸各四分 陳皮

杏仁去皮尖 桂心 茯苓各一錢 甘草炙

附子泡 川芎各五分 枳殼炒 厚朴釀

吳茱萸湯泡去梗焙乾 大黃酒拌濕蒸半錢或一錢大便利即去之

右細切作二服加生姜三片水二盞煎至一盞溫服

○千金硝石丸止可磨塊不令人困須量虛實用之

硝石六兩 大黃八兩 人參 甘草各三

右為細末以三年陳米醋二升置磁器中以竹片作準每

蓬木
香附子
炒各一
兩半
桔梗
肉桂
藿香葉
其中灸
青皮各
右改咀
每服五
分水煎
異本有
此方從
非恒德
編集

入一升作一刻先入大黃不住手攪使微沸盡一刻乃下
 餘藥又盡一刻微火熬使可丸如雞子黃大每服一丸白
 湯化下或丸如梧桐子大每服三五丸後下如雞肝
 或如米泔赤黑色等物乃效下後忌風冷宜軟粥將息
 ○局方妙香丸治久年陳積方見火門
 ○導氣枳壳丸治氣結不散心胸痞痛逆氣上攻分氣逐風功
 莫盡述

枳壳麩炒

木通炒

青皮

陳皮鹽去

桑白皮炒

萊菔子炒

白丑炒

黑丑炒

莪木煨

茴香炒

京三稜泡

右各等分為細末姜汁調麪煮糊為丸如梧桐子大每服
 三十丸煎橘皮湯下

問○木香三稜丸治一切氣悶胸膈痞滿榮衛不和口吐酸水

嘔逆惡心飲食不化脇肋疼痛無間久新並皆治之

青木香 破故紙 茴香 黑丑

甘遂 芫花 木戟 京三稜炮

蓬莪朮 川練子 葫蘆巴 巴戟已上各

巴豆不祛油 陳倉米三合與芭豆 砂仁半一兩

右細切用好米醋二升除砂仁木香外餘藥入醋中浸下

宿入鍋內煮醋盡乾為度同木香砂仁為細末醋煮麩糊

為丸如菽豆大每服五丸或七丸食後服看虛實大小加

減丸數隨湯水任下

○東垣草豆蔻丸治酒積或傷寒冷之物胃脘痛咽膈不通

草豆蔻煨 白木略一 大麥蘖 神麩略

黃芩 半夏略半 枳實略二 陳皮

青皮 乾生姜略二 枳殼略二 益母草略二

右為極細末湯瀉蒸餅為丸如棗豆天每服一百丸熟水
下

愚按此方乃飲酒過度恣食寒涼之物有痰癥積飲在
腦腹間作痛者之所宜也

○肥氣丸治肝之積名曰肥氣在左脇下如覆杯有頭足久不

愈令久發欬逆 痰瘧連歲不已

厚朴姜剉

黃連剉

柴胡兩

川椒剉

巴豆霜剉

乾姜分五

川烏分二

皂角去皴炙

白茯苓半

錢廣木錢半

人參錢半

甘草炙

昆布酒洗二

右件除茯苓皂角巴豆霜另研末外諸藥共為極細末和
勻煉蜜為丸如梧桐子大初服二九二日加一九二日加二
九漸漸加至大便微澀再從二九起加服之周而復始積

減大半勿服

棟○伏梁丸治心之積名曰伏梁起臍上夫如臂上至心下又

不愈令人煩心

黃連半一兩

厚朴制

人參各五

黃芩錢三

桂枝錢

乾姜泡

葛蒲

巴豆霜各五

紅豆剉分

川烏頭泡五茯神

丹參炒各錢

右件除巴豆霜外為細末另研包巴豆霜旋入末和勻煉

蜜丸如梧桐子大服如上法淡黃連湯下

暴無此字

棟○痞氣丸治脾之積名曰痞氣在胃脘右側覆大如盤久不

愈令人四肢不收發黃疸飲食不為肌膚

厚朴炙

黃連錢八

茱萸錢三

黃芩錢二

白茯苓

人參

澤瀉錢

川烏泡五

川椒分五

茵陳炮

乾姜泡

砂仁各一錢半

白本分
巴豆霜分
桂皮分

右件除巴豆霜另研茯苓另末旋以外為細末和勻煉蜜

丸如梧桐子大服如上法淡甘草湯下

凍○息奔丸治肺之積名曰息奔在右脇下大如覆杯久不愈

令人洒浙寒熱喘咳發肺壅

厚朴八錢 鑄三錢 乾姜泡

川椒炒 紫苑絡半 川鳥泡

白苳寇 陳皮皴 京三稜泡 麥門冬

人參錢 青皮伍 巴苳霜分

右件除茯苓巴豆霜各另研旋以外為細末和勻煉蜜丸

如梧桐子大服如上法淡姜湯送下已上四方秋冬加厚

朴減黃連四分之二

○奔豚丸治腎之積名曰奔豚發於小腹上至心下者豚狀或

上或下無時久不愈令以喘逆骨痿少氣及治男子內結
止疝女人瘕聚帶下

厚朴姜制 黃連銚

白茯苓

澤瀉

葛蒲銚 川烏泡

丁香各五

苦練酒釀

玄胡索半 錢全蝎

附子炮

獨活銚

肉桂分 巴豆霜五

右件除芭豆霜茯苓各另研為末熬入外為細末和勻煉
蜜丸如梧桐子大淡鹽湯下服如上法

虛損 二十六

論

內經曰飲食飽甚汗出於胃驚而奪精汗出於心持重遠行
汗出於腎疾走恐懼汗出於肝搖體勞苦汗出於脾又曰父
視傷血父卧傷氣父坐傷肉父立傷骨父行傷筋若夫七情

五志之火飛越男女聲色之慾過淫是皆虛損之所由也機
要曰虛損之疾寒熱因虛而感也感寒則損陽陽虛則陰盛
損自上而下一損損于肺皮聚而毛落一損損于心血脉虛
少不能榮于藏府婦人則月水不通三損損于胃飲食不為
肌膚治宜以辛甘淡過於胃則不可治矣感熱則損陰陰虛
則陽盛損自下而上二損損于腎骨痿不能起于床三損損
于肝筋緩不能自收持三損損于脾飲食不能消尅治宜以
苦酸鹹過於脾則不可治矣又曰心肺損而色弊腎肝損而
形痿難經曰治損之法損其肺者益其氣損其心者補其榮
血損其脾者調其飲食適其寒溫損其肝者緩其中損其腎
者益其精是皆虛損病因治法之大要也學者詳之

脉法

脉經曰脉來軟者為虛 緩者為虛 微者為虛

弱者為虛 弦者為中虛 脈來細而微者血氣俱虛

脈小者血氣俱少

要畧曰脈芤者為血虛

脈沉小遲者脫氣

又曰血虛脈大如葱管

又曰脈大而芤者脫血

方法

丹溪曰天為陽而運於地之外地為陰而居乎中天之大氣
舉之日實也屬陽而運於月之外月缺也屬陰稟日之光
以為明人受天地之氣以生天之陽氣為氣地之陰氣為
血故陽常有餘而陰常不足氣常有餘而血常不足也又
曰經曰精不足者補之以味味陰也補精以陰求其本也
然味乃如穀菽菜出於天賦自然冲和之味故有食久
補陰之功非醯醢薑烹飪調和偏厚之味出於人為者也經
曰陰之所生本在五味非天賦之味乎曰陰之五宮傷在

五味非人為之味乎善攝生者不可謂味以補精而遂恣於口腹以自速其禍也又曰形不足者溫之以氣溫養也溫存以養使氣自充氣充則形完矣曰補曰溫各有其旨局方悉以溫熱藥佐輔名曰溫補豈理也哉又曰人年老或虛損精血俱耗陰不足以配陽孤陽幾於飛越天生胃氣尚爾留連又藉水穀之陰故羈縻而定耳局方用溫劑劫虛蓋脾得溫而食進故亦暫可夫質有厚薄病有淺深設或失手何以收效吾寧稍遲計出萬全溫劑補虛決不敢用

○丹溪治老人虛損但覺小水短少即是病進宜以人參白朮為君牛膝芍藥為臣陳皮茯苓為佐春加川芎夏加黃芩交明冬秋冬加當歸身倍生薑二日或一貼或二貼小水之長若舊乃止此老人養生之捷法也此丹溪養母之方也

局○四君子湯治氣虛

人參半錢

白朮

茯苓各二錢

甘草一錢

右細切作二服水煎如自汗或小水利者去茯苓加黃芪二錢無汗小水不利者只依本方

局○四物湯治血虛

川歸二錢

川芎

芍藥各一錢

熟地黃二錢

右細切作一服水煎服春倍川芎夏倍芍藥秋倍地黃冬倍當歸

○八物湯治氣血兩虛

四君子合四物湯共為二劑如上法加減煎服

○六君子湯治氣虛挾痰方見饒逆門

○局方十全大補湯治氣血俱虛而挾寒暑

人參

黃芪

甘草

白茯苓

當歸

白朮

白芍藥

肉桂

熟地黃

芍藥各等分

右細切每服一兩重加生薑二片大棗一枚水二大盞煎

至三盞溫服詳前論

○大補陰丸降陰火補腎水

黃柏鹽酒拌新瓦炒褐色

知母去毛酒拌濕炒各四兩

熟地黃酒洗焙乾用

龜板酥炙黃各六兩

右細末猪脊骨髓和煉蜜為丸如梧桐子大每服五九空

心姜鹽湯下

溪冊○補陰丸一名虎潛丸

黃柏半斤制如知母去毛酒

熟地黃各三兩龜板酥炙

白芍藥煨

陳皮

牛膝各二兩

虎脛骨一兩

瑣陽酥

當歸各半

丹
○加味虎潛丸

右為細末酒煮羯羊肉為丸鹽湯下冬加乾姜半兩

人參

黃芪

芍藥煨

黃柏炒酒

當歸酒洗

山藥略

瑣陽續

枸杞子

虎脛骨續

龜板續

兔絲子鹽酒浸三宿細研

破故紙炒

杜仲姜汁拌炒

五味子各七錢半牛膝去芦酒洗二兩

熟地黃兩

右為細末煉蜜和猪脊骨髓為丸如梧桐子大每服五六

十九溫酒或姜鹽湯下

○滋陰大補丸

川牛膝去芦

山藥各一兩半

杜仲姜汁拌炒巴戟法

山茱萸去核

五味子

白茯苓

肉從容酒浸洗新

茴香炒

遠志去心半兩

石菖蒲

枸杞子銘五 熟地黄二

右為細末紅棗肉和煉蜜為丸如梧桐子大每服七十九
淡鹽湯或溫酒空心下與上虎潛丸相間服之佳所謂補
陰和陽生血益精潤肌膚強筋骨性味清而不寒溫而不
熱非達造化之精微者未足以議於斯也

○補腎丸

黃栢

龜板二

杜仲各依前制

牛膝

陳皮二

乾姜五

五味子一兩夏用之

右為細末姜汁糊或酒糊為丸服溫酒或白湯空心下

○補天丸

紫河車

一具即產後胞衣也古方不分男女世傳男用女

胎女用男胎者候以初胎者為勝似為有理若不
可得但求肥盛婦人無病者俱可用物取得長流水洗
淨去筋膜以篾籠盛之外以紙糊使不泄氣焙乾要用
一時以宿焙乾用

右以前補腎丸藥為末同河車再研極細酒糊為丸或新
取紫河車蒸熟同前藥末搗爛為丸亦可

○虛勞者當以骨蒸藥佐之一云氣虛加補氣藥血虛加
補血藥

○一方用側柏葉烏藥葉俱以酒浸九蒸九曝亦同紫河
車為丸名補腎丸

方○六味地黃丸治腎經虛損久新憔悴盜汗發熱五藏齊損

瘦弱虛煩骨蒸痿弱下血咯血等証

乾山藥兩四

山茱萸去核兩四

牡丹皮

白茯苓兩

熟地黃兩八

右為細末煉蜜為丸如梧桐子大每服五十九白湯下

方○人參固本丸

天門冬去心 麥門冬去心 生地黃兩二 人參去心

熟地黃二

右各焙乾同磨為末勿犯鉄器煉蜜為丸或只以天門冬熟地黃二味量酒浸搗膏同二味末杵千餘下丸如梧桐子大每服五七十九空心姜鹽湯下忌蘿蔔

新○人參膏

人參一味不拘多少去蘆細切量水於銀石器內慢火煎如稠錫磁器盛貯每服一匙白湯點服

驟○補中益氣湯治飲食失節勞役所傷暴傷元氣惡寒發熱証似傷寒者方見內傷門

驟○益胃升陽湯血脈益氣古聖人之法也先補胃氣以助生發之氣故曰陽生陰長諸甘藥為之先務藥世皆以為補殊不知其能生血從陽而引陰也故先理胃氣益入之身穀為寶也

柴胡

升麻 各二分半

炙甘草

當歸身酒

陳皮 各五分

人參 不用

炒神麩 各七分半 黃芪 錢

白朮 半錢

生黃芩 二分

右細切作二服水二盞煎至一盞溫服○如腹中痛每服

加白芍藥五分中桂二分如渴或口燥加葛根三分

嚴氏○芫附湯治陽虛氣弱虛汗大出不止肢體倦怠

川附子 炮 黃芪 蜜炙各二錢

右細切作二服加生姜三片大棗一枚水一盞半煎至一

盞溫服

嚴氏○參附湯治真陽虛乏上氣喘急自汗盜汗短氣頭旋眼花

人參 兩 川附子 炮去破

右細切分作二服加姜水煎溫服

瘧○茯苓湯治六脉虛羸咳則心痛喉中介介或種或痛

茯神

人參

遠志

通草

麥門冬

黃芪

桔梗略六

甘草

五味子略二

右細切作一服加生薑一片水煎服二

端旂

○補氣湯治氣虛脉浮而軟怔忡無特

黃芪分

人參

甘草略一

麥門冬心去

桔梗去苦各七分

右細切作一服加生薑三片水一盞煎至二盞溫服二

○千金延壽丹治諸虛百損怯弱欲成癆瘵及大病後虛損不

復元以於中年後常服可以卻疾延年

五宋子

兔絲子另煮爛川牛膝

杜仲姜汁拌炒

川歸

山藥

天門冬

麥門冬

生地黃

熟地黃略

肉從容二

人參

白茯苓

大茴香

澤瀉

地骨皮

鹿茸

菖蒲勑節

花椒

巴戟法

遠志

覆盆子

枸杞子

栝子仁各五升

右共磨為細末勿犯鉄器蒸搗煉蜜為丸如梧桐子大每

服一百丸空心温酒或姜盐湯下○如大便澹小便不利

加車前子二兩○如精滑或夢遺加赤石脂山茱萸肉各

妙方也五錢忌蘿蔔菜ヲ

青囊集方○班龍丸治真陰虛損及老人虛人常服延年益壽

鹿角膠妙子鹿角霜

兔絲子酒浸楮子仁取仁

熟地黄恪半白茯苓

補骨脂酪四

右磨為細末酒煮米糊為丸或以鹿角膠入好酒洋化為

丸如梧桐子大每服五十九丸空心姜盐湯下昔蜀中有

老人貨此藥於市自云壽三百八十歲矣每飲曰尾閭不

禁滄海竭丸轉金丹都謾說惟有班龍頂上珠能補玉堂
 関下血當時有學其道者傳得此方彼老人化為白鶴飛
 去不知其所終元

神 ○桂枝加龍骨牡蠣湯治六脉孔動微緊男子失精女人夢
 交及盜汗自汗等証元

桂枝 白芍藥 三甘草 二 龍骨

牡蠣 三

右細切加姜棗水煎元愚恐元上証不可用姜

○祖傳經驗秘方治心虛手振

川歸身 汾甘草 生地黃 各一兩半 川芎 一兩

遠志 去心 二 酸棗仁 栢子仁 各三兩 人參 一兩

辰砂 五兩 礞石 金鉞片 十 射香 錢一

茯神 錢七 膽南星 錢五 半夏 錢五 石菖蒲 錢六

琥珀 錢

右為極細末蒸餅為丸如菘豆大辰砂為衣每服七八十
九津唾嚥下或姜湯送下

○本邑在城金儒元國子生也年五十餘身畧瘦十年前得內
傷挾外感証一醫用發表疎利之劑十數日後熱雖退而
虛未復胸中痞滿氣促眩暈召予治以補中益氣湯間與
東垣消痞丸陳皮枳朮丸等藥調理而安但病根未盡除
而住藥故眩暈或時而舉不甚重來兌至此年因往杭城
跋涉辛苦又兼色慾之過還家眩暈大作歷數醫皆與防
風羌活荆芥南星半夏蒼朮等去風散溫消痰之劑病愈
重一日十數次厥去片時復甦凡動或轉側即厥不知人
事舉家惶惶叫哭召予治診其六脉皆浮洪而濡予曉之
曰此氣血太虛証幸脉不數而身無太熱不死但恐病愈
後而有數年不能下擲行動病者曰只要有命卧亦甘心

與大補氣血之藥倍人參黃芪或加附子引經合大劑一
日三貼又煎人參膏及作紫河車丸補陰丸之類間服如
此調理一月餘服前藥二百餘貼丸藥三五料用人參五
六斤其証漸不厥飲食如故但未能行動耳次年聞王布
政汝言往京師道經蘭溪以舟載去彼俟候求診王公曰
此証陰虛風痰上壅因誤服參芪多故病久不愈立方以
天麻菊花荆芥川芎等清上之藥亦未見效住藥後越五
六年方得起而步履如初儒元不思昔日病劇而藉參芪
等藥之功遂以王公之語歸咎於予用藥之誤噫彼時若
非峻補何以得一儒元見王公耶嗚呼此誠得魚忘筌得
兔忘蹄也可勝嘆哉

○東陽邑庠鄒掌教先生一証發大汗戰鼓慄振掉片時許發
燥熱身如火燒又片時許出大汗如雨身體若冰冷而就

發寒戰如前寒後又熱熱後又汗二病繼作而晝夜不息
庠生盧明夫與作癘証治不效乃學診其右寸陽脈數而
浮洪無力陰脈畧沉小而亦虛左三部比右差小而亦浮
軟予曰此陽虛証也用補中益氣湯倍參芪減升柴一柴
加尿浸生附子一錢半炒黃柏二分乾姜薄桂各五分木
棗一枚同煎服一服而病去二分一服而減半四服寒熱
止而身尚有微汗減去桂附乾姜一半服二貼全愈

勞極

二十七

論

內經曰陰虛生內熱又曰陰氣者靜則神藏躁則消亡飲食
自倍腸胃乃傷又曰有所勞倦形氣衰少穀氣不盛上焦不
行下腕不通而胃氣熱七氣薰胸中故內熱是故欲養陰而
延生者心神宜恬靜而毋躁擾飲食宜適中而無過傷風寒

暑濕之謹避行立坐卧之有常何勞怯之有哉今也嗜慾無節起居不時七情六慾之火時動乎中飲食勞倦之過屢傷乎体漸而至于真水枯竭陰火止炎而發蒸七之燥熱或寒熱進退似瘡非瘡古方名曰蒸病或二十四種或三十六種名雖不同証亦少異大抵不過咳嗽發熱咯血吐痰白濁白淫遺精盜汗或心神恍惚寢興鬼交婦人則月閉不通日漸羸漸成勞極之候夫病此者始多求究姑息日又直至發熱不休形体瘦甚真元已脫然後求醫治瘵雖倉扁復生莫能救其萬一良可嘆哉雖然一人未足憐也况其侍奉親密之人或同氣連枝之屬薰陶日久受其惡氣多遭傳染名曰傳屍又曰喪屍曰飛屍曰道屍曰殭屍曰屍注曰鬼注蓋表其傳注酷虐而神妙莫能以則之名也雖然未有不由氣体虛弱勞傷心腎而得之者初起於一人不謹而後傳注數十

百人甚而至於滅族滅門者誠有之矣然此病最爲可惡其
熱毒鬱積之久則生異物惡虫食入臟府精華變生諸般奇
狀誠可驚駭是以勞傷于肝膽者則爲毛虫如刺蝟在蝸之
屬食入筋膜勞傷于心與小腸者則爲羽虫如燈蛾蚊蠅食
鳥之形食入血脉勞傷于脾胃者則爲裸虫如嬰孩蚯蚓之
類食入肌肉勞傷于肺與大腸者則爲介虫如龜鱉蟹之
狀食入骨髓或挾相火之勢亦如羽虫之酷者鴉雀之類爲
狀不一不可勝紀凡人覺有此証便宜早治緩則不及事矣
治之之法一則殺其虫以絕其根本一則補其虛以復其真
元分經用藥各有條理務如庖丁解牛動中肯綮無有不安
者也若待病勢已劇元氣已脫雖依古法取虫滋補患者不
無一生但亦可絕後人之傳注耳學者詳之

脈法

脈經曰男子平人脈大為勞極下虛亦為勞在

男子勞之為病其脈浮大手足煩春夏劇秋冬瘡陰寒精自

出足痠軟不能行少陰虛滿

人年五十六十其病脈大者臂俠背行痛苦腸鳴馬刀挾癭

者皆為勞之得ヲ

男子平人脈虛弱微細者喜盜汗自出也

男子面色薄白主渴及亡血卒喘心悸其脈浮者裏虛也

男子脈虛沉弦無寒熱短氣裏急小便不利面色白時時目

瞑此人喜衄小腹滿此為勞使之然カ

男子脈微弱而遊為無子精氣清冷也カ

夫朱精家小腹強急陰頭寒目眶痛目眩髮落脈極虛孔遲

為消殺亡血失精ナ

脉得諸乳動微緊男子失精女人夢鬼交通

脉沉小遲者名脫氣其人疾行則喘喝手足逆寒腹滿甚則

瘠泄食不消化

脉弦而大弦則為減大則為乳減則為寒乳則為虛虛寒相

搏此名為革婦人則半產漏下男子則亡血失精

方法丹溪方法
凡四條

丹溪曰此陰虛之極痰與血病多有虫者其傳屍一証不可

云無大法四物湯加童便竹瀝姜汁

○身瘦屬火因火燒燬也肉脫甚者難治

○氣血虛甚發熱成勞者補天丸加骨蒸藥佐之骨蒸藥知母
黃柏地骨皮

麥門冬秦元青蒿散黃甲
石膏竹葉烏梅之類

○傳屍勞寒熱交攻久嗽咯血日益羸瘦先以三拗湯次以蓮

心散

丹溪方 ○二十四味蓮心散

川歸 黃芪 甘草炙 驚甲醋炙

前胡 柴胡 獨活 羌活

防風 防已 茯苓 半夏

黃芩 陳皮 阿膠炒成 官桂

芍藥 麻黃不去節 杏仁研 蓮肉此味當用蓮花內鬚

南星 川芎 枳壳煨炒各半錢 芫花醋炒黑

右細切作一服加生姜三片大棗一枚水一盞煎至三盞

去粗溫服須待吐有異物芫花漸減少蓋芫花反甘草煎

以殺虫炒之所以斷熱去寒妙處在此

丹溪 ○青蒿飲子治癆瘵

青蒿一斗 童便三斗

右以文武火熬約童便減去二斗去蒿再熬至一斗入猪

膽汁七箇或加辰砂檳榔末三五錢再熬數沸甘草末收之每服抄二匙清湯點服極妙

冊○白礬塵一味大殺瘵虫可入丸藥散中用
集青囊方○秘傳取傳屍勞虫鬼喫飲子

天靈蓋醋炙 黃色 幣甲醋炙 黃色 柴胡去芦各 二錢半 木香一錢二分

鼓心醋炙 黃 青蒿半握 阿魏一錢 桃仁二十一枚 另研去皮

安息香錢 貫衆二錢 半 甘草一錢 生用

右十一味細切杵為粗末先以童子小便二升隔夜浸露星月至四更時煎至八分去粗分作三服每服調後散子一貼五更初溫服即穩卧至三點時又進一服至日出時覺腹中欲利如未利又進一服已利勿服

○散子方用檳榔二錢半 辰砂一分半 射香一錢 另礞

赤脚蜈蚣以竹筒盛姜汁 浸焙乾一條

烏雞糞二錢半先將雞於五日煎以火麻子燻之然後取其糞用

右以五味研為細末和勻分為三貼各入煎藥內服

凡合上藥宜於六甲建日或除日合之服前藥必利下

惡物併虫以盆盛之急用火燒殺之或油煎殺之其病

人所穿衣服及薦褥盡易燒之食葱粥將息以復元氣

服藥後或夢人哭泣相別是其驗也如取下虫視其色

青赤黃者可愈黑色者難療也雖虫老病不可療亦能

絕後人之傳注耳合此藥時不可容孝子婦人雞犬見

之及不可令患者知之與聞其氣息虫聞氣變化難取

也

方青囊 ○治勞察取虫經驗天靈蓋散

天靈蓋二指大用白檀香煎湯洗一錢炙黃色

射香細研另辰砂一錢另研

栴柳五箇為末

甘遂二錢為末

阿魏細研

安息香三細研銅刀

右七味各研極細和勻每服二錢後湯調下

薤白莖二七 青蒿握二 甘草誣五寸 葱白莖二七

桃枝 柳枝 桑枝 酸石榴枝格七

梅枝七寸已上五枝俱取向東南者

右九味用童子小便四升於銀石器內以文武火煎至

一升去粗分作三盞調前藥末服五更初服一盞服後

如覺欲吐以白梅肉噙止之五更盡覺臟府鳴須轉下

虫及惡物黃水若一服未下如人行五七里又進一服

至天明又進一服如瀉不止用龍骨黃連等分為末熟

水調下五錢或吃白粥補之此藥男病女煎女病男煎

○射香散治男子婦人骨蒸發熱五勞七傷等証

天靈蓋半錢

柴胡兩一

犀角屑兩

甘草三

東引桃枝

東引柳枝

東引榴枝

青蒿各一

阿魏

另研

薤白

葱白格六

射香仁錢

右細切杵為麤末用童便二升半浸藥一宿明日早煎至一升半去粗分作二服每服入枚柳細末三錢溫服五更初進一服約人行五七里再進一服若惡心不允欲吐嚼白梅止之三服後瀉出惡物果虫或身如蟻行不可名狀後用葱粥止之忌風一月及忌食油膩濕麪鹹酸併牛羊雞猪大肉魚腥并遠重病不過一服全安脩合此藥時男病女煎女病男煎忌猫犬雞鷲鴨驢馬僧尼孕婦孝子見之凡取虫後須以後太補疾神散補之

精○取屍虫神仙秘方

青桑枝

柳枝

梅枝

桃枝

石猫枝

拾七莖俱長七
昔取東引者

青蒿

葱白

阿魏

一錢
另研

安息香

一錢
另研

右除阿魏安息香二味外餘藥用童小便一升半煮美

一半去粗將藥汁阿魏安息香細研用煎十數沸分作

二服調

辰砂末

檳榔末

各五分
射香少許
另研

右三味亦分作二服入煎湯五更初進一服三點時又

進一服至巳午晚必取下虫其指紅者可治青黑者不

浴但可絕後人之傳注耳取虫後進軟粥溫和將息忌

食生冷毒物仍服帝九子法凡合此藥不可冷患者先

知氣味亦不得令猫大孕婦孝子僧尼等不祥人見之

○神授散此方得之於河南郡王府濟世既久功不可述也

川椒二斤
與梗
畧炒
出汗

右一味為細末每服二錢空心米湯送下或用酒米糊為丸如梧桐子大每服二三十丸漸加至八九十丸空心酒下或米湯下凡以得傳屍勞病氣血未甚虛損元氣未盡脫絕者不須多方服食但能早用此藥無有不愈者直齊世之寶也愚嘗治一婦人用花散二分苦煉根一分丸服屍虫盡從大便出

○右勞極禁方無比丸一名紫河車丸○傳屍勞瘵二月可愈其紫河車男一具初生者佳或無病壯年婦人者亦可一說男病用女女病用男者若不可得亦不必拘束米醋浸一宿焙乾用

草龍胆 甘草各二錢 鱉甲醋炙半兩 桔梗

胡黃連 大黃酒拌濕蒸 苦參 黃柏

知母去毛 貝母去心 秋石另研不 蓬莪朮

河叙略人 犀角屑 敗鼓皮心

硝石各一錢 辰砂另研 草謂鼓心通靈能

洗叙略人 中白長 流水

錢半 辰砂一兩 草謂鼓心通靈能

逐飛屍一注故用之
米醋一錢半

右共為細末煉蜜為丸如梧桐子大辰砂為衣每服二
十九丸加至三十九丸溫酒送下腸熱食前膈熱食後服

青囊○秘傳取勞虫禁方

啄木禽一隻右用硃砂四兩精猪肉四兩將肉切作片子
其硃砂杵如菘豆大塊一味拌勻餵禽一晝夜食肉盡
為度以鹽泥固瘻其禽在內剛火煨一夜來日不見太
陽取出不得打破埋入地中二尺許一晝夜取出去益
泥銀石器內研為細末以無灰酒入射香少許作一服
調下置患者在帳中四下緊閉用鐵錘等候其虫必從
口鼻中出即以鉗錘入沸油中煎殺之如虫出之後便
進局方嘉禾散一服軟強得息

青囊○紫河車丹治飛屍鬼疰虛勞羸瘦喘嗽痰氣等証其法

取首生男子胞衣以皂角水洗淨次放銅銚子內以米醋搥洗控乾做一小篋籠于盛之圍以紙密糊之不令泄氣以烈火焙乾加入後藥

人參半一兩 白朮一兩 木香 白茯苓各半兩

茯神 川歸 熟地黃一兩 乳香四錢

沒藥四錢 硃砂二錢 射香二錢

右為細末和勻酒糊為丸如梧桐子大每服五十九煎人參湯送下日三服空腹服之煉蜜為丸服亦可

○治虛勞柴胡散

柴胡 人參 茯苓 桔梗

芍藥 川歸 青皮去白 麥門冬各二分

甘草一分

右細切作一分一服杵細水一盞煎七分溫服

方青囊 ○治虛勞驚悸散

驚悸大者一柴胡青

川歸

甘草炙

桔梗

為藥

人參酪

射香分五

杏仁去皮尖炒另研

胡黃連各二錢

官桂粗研

地骨皮去

宜黃連各二錢半

真酥兩三

木香兩半

白沙蜜兩三

右為細末用青膏一斤童便五升熬青膏汁約二升瀝去粗入酥蜜再熬成膏候冷入藥末攪和為丸如梧桐子大每服十五丸温酒送下米飲亦可日進三服如秋多時更入桃柳心七箇與前柴胡散同煮間服之

○去三屍丸

貫衆五分殺

乾漆三分去

厚朴三分殺

白蘆蘆二分殺

伏尸殺 雷丸六分殺 雄黃三分殺 狼莽子四分殺

僵蚕四分殺

雷丸六分殺

雄黃三分殺

狼莽子四分殺

右件倍乾炒令黃色研為細末煉蜜為丸如梧桐子大

新汲水下五九三服後漸加至十九服之二十日百病皆愈三屍九虫盡滅更無傳生之患耳

○治勞嗽輕骨散

烏梅

龍胆草

胡黃連

貝母

知母

鱉甲燂

桔梗

秦艽

柴胡

甘草炙

梔子

人參

青蒿酒煮

阿膠炒成珠

杏仁去皮尖炒

右件各等分晒乾為末用上好京墨一塊以井花水磨調前藥末作餅子如大指頭大透風處陰乾一七日每用一餅以井花水磨化又用沒藥五分磨成一盞更加黃栢末二錢同煎數沸傾入盞內頻頻打轉於五更時輕輕起服服後就睡仰臥甚者不過三服

○治勞嗽蛤蚧散

白茯苓銚一兩去皮細切入桑白皮二兩以真

知母二兩去毛用醋炙杏仁六兩去皮尖及杏仁者

甘草三兩醋炙三五貝母二兩用醋炙

蛤蚧雌雄一對醋炙七次令黃色不得焦

乳香真者四兩切作散子大塊入銚內溶成汁入極

稀不用人參一兩用醋炙三五

右為末每服二錢水一盞煎至七分和粗服忌油膩生

冷毒物如父患嗽者初服此藥必闢嗽加甚須勤服以

則可安須自保養為妙

青囊 ○治芳熱蛤蚧飲子

蛤蚧一對洗淨酒醋浸炙黃芩兩

胡黃連 秦艽法 甘草生

麻黃根不洗

生地黃酒洗

熟地黃酒洗

青蒿

人參

柴胡法

知母去毛洗 貝母

杏仁去皮尖及双仁者

鳖甲醋炙 桔梗

草龍胆 木香銖二

右為細末每服二錢加為梅姜棗煎服

△附蒸病

冊 ○古今錄驗五蒸湯

人參 知母

黃芩銖一

竹葉七片

生地黃 乾葛銖半

茯苓銖一

甘草銖半

石膏半銖 梗米一合

右細切先以水二盞煎小麥二合至三盞去麥煎藥至

一盞溫服隨証加減于後

○實熱加黃芩

黃栢

黃連

大黃

○虛熱加為梅

秦几

柴胡

蛤蚧

牡丹皮

青蒿

鳖甲

○肺蒸鼻乾加

加梅

天門冬

麥門冬

紫苑茸

大腸蒸右鼻孔

加大黃

芒硝

皮蒸唾血

加石膏

桑白皮

膚蒸昏昧

加牡丹皮

氣蒸遍身氣熱

加人參

黃芩

梔子

○心蒸舌乾

加黃連

生地黃

小腸蒸下唇

加赤茯苓

生地黃

木通

血蒸髮

加生地黃

當歸

桂心

童便

脉蒸唾白滂語

不調

加當歸

生地黃

○脾蒸唇

加白芍藥

木瓜

苦參

胃蒸舌下

加石膏

粳米

大黃

芒硝

乾葛

肉蒸食鮮味而嘔

○肝蒸眼

加川芎

當歸

前胡

膽蒸眼色

加柴胡

括萎

筋蒸甲

加川歸

川芎

三焦蒸作熱

加石膏

竹葉

○腎蒸兩耳

加生地黃

寒水石

石膏

膀胱蒸右耳

加澤瀉

茯苓

滑石

腦蒸頭眩

加生地黃

防風

羌活

骨蒸齒黑腰痛足逆

加生地黃

當歸

地骨皮

鱉甲

當歸

牡丹皮

髓蒸中熱骨

加生地黃

當歸

天門冬

醫蒸肢細肢腫

加石膏

黃柏

胞蒸小便赤黃

加澤瀉

茯苓

生地黃

知母

活石

沉香

○丹溪活套云勞極之証五藏必歸重於一經假如足脛痠疼腰背拘急遺精白濁面色黧黑耳輪焦枯脉沉細數知其邪在腎也宜以四物湯加知母黃栢五味子麥門冬天門冬澤瀉杜仲肉桂之類煎入童便韭汁竹瀝服○其或心神驚惕怔忡無時盜汗自汗心煩熱悶口舌生瘡咯血面赤脉洪而數知其邪在心也宜以前方去杜仲澤瀉肉桂加茯神胡黃連蓮心遠志菖蒲硃砂之類○其或咳嗽喘促衄血嗽血皮膚枯燥鼻塞聲沉時吐痰沫脉微虛而瀼數知其邪在肺也宜以四物湯加少參麥門冬五味子知母貝母桔梗桑白皮地骨皮款冬花紫苑馬兜鈴百合白部之類煎入童便竹瀝姜韭汁服○其或脇痛目赤面青頰赤多怒虛陽不斂夢與鬼交甚則卵縮筋急脉弦而數

知其邪在肝也宜以四物湯加竹茹草龍胆柴胡黃芩青
皮竹葉之類。○其或面色萎黃唇焦燥飲食無味腹痛
腸鳴瀉利四肢倦怠脉虛濡而數知其邪在脾也宜以四
君子湯加酒炒白芍藥蓮肉薏苡乾山藥猪苓澤瀉白扁
豆之類。○凡骨蒸勞熱元氣未脫者灸崔氏四花六穴無
有不安者也。

○灸崔氏四花穴法

先二穴令患者平身正立取一細繩蠶之勿令展縮於男左女右脚底
貼肉緊踏之其繩前頭與大拇指端齊後頭循當脚根中
心向後引繩從脚膈肚貼肉直上至曲脊中大橫紋截斷
橫紋即委中穴又令患者解髮分兩邊令見頭縫自顙門平分至
腦後却平身正坐取向所截繩一頭令與鼻端齊引繩向
上正經頭縫至腦後貼肉垂下循脊骨引繩向下至繩盡

處當脊骨中以墨點記之墨點不又取一繩子令患人坐

口將繩子按於口上兩頭至吻却鈞起繩子中心至真柱

根下如此便齊兩吻截斷將此繩展令直於前量脊骨

上墨點處橫量取平勿令高下其量口繩子先中摺當

量却以中摺墨點記處按於脊骨中先點處兩頭是穴也

兩頭以白圈記之以上是第一次點二穴

次一穴令患人平身正坐稍縮臂膊取一繩繞項向前雙垂頭

與鳩尾齊胃前岐骨雙頭齊截斷却翻雙繩頭向後以繩

子中心按於喉嚨結骨上其繩兩頭雙垂循脊骨以墨點

記之墨點不又取一繩子令患人合口橫量齊兩吻截斷

還於脊骨上墨點橫量如法繩子兩頭以白圈記之白圈是灸處

以上是第一穴點二穴通前共四穴同時灸各三上

壯累灸至一百餘壯候灸瘡將瘡又依後法灸二穴

又次二穴以第二次量口吻繩子於第二次雙繩頭盡處墨點
 上當脊骨直上下豎點其繩子中心放在墨點上於上下
 繩頭盡處以白圈記之白圈是灸處也

以上是第三次點二穴也通前共六穴也擇取離日
 及火白灸之丁應虛勞發熱疰癘等証灸之立愈頁
 濟世之妙法也

四花六穴人形圖式



白圈是穴黑點不是穴

杉本三卷終

